

مراز

مراز کلچرل سنگم، شُپین (رجسٹرڈ)

مراز

مراز کلچرل سنگم، شُپین (رجسٹرڈ)

مراز

☆ وری : 2011-12ء

☆ شمارہ : 7

بانی کار

مراز کلچرل سنگم

نگران
شہزادہ رفیق

☆ غلام نبی ناظر

☆ محمد ایوب بیتاب

☆ شہزادہ رفیق

مجلس ادارت

☆ غلام نبی ناظر

☆ غلام حسن مضرب

☆ رشید سرشار

☆ محمد شفیع خان

☆ سید غلام نبی دلشاد

☆ عبدالعزیز ناگہیلی

ناشر: مرزا کلچرل سنگم - ہیڈ آفس شپین (رجسٹرڈ)

جملہ حقوق چھ محفوظ

ناور سالہ	:	مراز
شمار	:	7
واری	:	2011, 12ء
مول	:	Rs. 200/-
کمپوزنگ	:	محمد یوسف میر
سرورق	:	بشیر احمد
پریس	:	تاج پرنٹنگ سروس دہلی 9871285181
ناشر	:	مراز کلچرل سنگم ہیڈ آفس شپین

خط پتر سوزنگ نئب

شہزادہ رفیق صدر

مراز کلچرل سنگم - ہیڈ آفس شپین "رجسٹرڈ"

پن کوڈ 192303

نوٹ:- ادارہ چھ جموں و کشمیر کلچرل اکیڈمی ہند بے حد مشکور بی بیوہ
کتاب چھاپنہ خاطر اسہ کم کاسہ مالی مدد کو ر۔ یتھ کتابہ منز چھپن
والہ مواد باپتھ اسہ نہ اکادی بلواسطہ یا بلا واسطہ گنہ تہ و طہر ذمہ وار۔
(ادارہ)

باگنے

آدن ادار ۵

مقالات

- ☆ کیشہہ للہ وا کہ — اکھ تجزیہ پروفیسر حامدی کاشمیری ۹
- ☆ کاشتر زبان تہ عبرانی غلام نبی ناظر ۱۶
- ☆ راول تیول — اہم عنصر شہزادہ رفیق ۲۴
- ☆ ترقی پسند راہی رشید سرشار ۳۱
- ☆ عبدالرحمان آزاد — یتھ پہ زانن غلام نبی آتش ۳۵
- ☆ پریم ناتھ شاد تہ ہجرتی شاعری شاہباز راجوری ۴۴
- ☆ آغا شاہد علی — کشیر ہند ژ کھر محمد شفیع خان ۵۱
- انگریزی شاعر

نظم

- ☆ یامحمد ڈاکٹر درخشاں اندرابی ۶۰
- ☆ اکھ ڈاکو مینتری ڈاکٹر گلشن مجید ۶۱
- ☆ میون بوز ڈاکٹر فاروق فیاض ۶۵
- ☆ تھا لگ گود بشیر اطہر ۶۶
- ☆ سوتہ ساو بر پتہ ستیش ول ۶۷

- ☆ شاہد چھ سراپا لول ☆ شاہد دلنوی ۶۹
 ☆ باوتھ ☆ رتن لال جوہر ۷۰
 ☆ جڈڑ وچھتھ ☆ جاں نثار احمد ۷۱
 ☆ کاشتر زبان ☆ فدارا جوہر ۷۲
 ☆ سیر کشپر ☆ پتا مبر ناتھ درفانی ۷۳

افسانہ

- ☆ خدائے کر سہل ☆ ڈاکٹر محفوظہ جان ۷۴
 ☆ وہمہ ☆ محی الدین ریشی ۷۸
 ☆ مول تہ نچو ☆ مکھن لال پنڈتا ۸۰

نعت، غزل تہ وژن

- ☆ رفیق راز ☆ ڈاکٹر شاد رمضان ☆ ڈاکٹر مجروح رشید ۸۵
 ☆ ڈاکٹر رتن تلاشی ☆ غلام حسن مضراب ☆ بشیر زائر ۸۸
 ☆ مشتاق شینڈر ☆ روجی جان ☆ منصوٰر شبنم ۹۱
 ☆ موتی لال مصروف ☆ شوکت علی خان مضطر ☆ شاہد فردوس ۹۵
 ☆ ماسٹر نذیر منتظر ☆ منصوٰر لونہ موے ☆ سید غلام نبی دلشاد ۹۸
 ☆ غنہ شاہ ☆ فیاض احمد وگے فیاض ۱۰۱

تبصر:

- ☆ شہل تاپھ- اکھ تنقیدی جاییز ☆ ڈاکٹر شفقت الطاف ۱۰۳
 ☆ مجید شینڈر- اکھ سام ☆ ڈاکٹر گلزار احمد راتھر ۱۱۰

آدن

پنہ ماجہ زو پڑھ باؤر لول برن والہن ہندس بلہس منز چھ مراز کلچرل
 سنگم پنن نمائند سالانہ ادبی رسالہ ”مراز“ گلہ میٹھی رنگو ترزاوان یمہ پزوک
 احساس کران تہ کرناوان زسانہ زمانہ مکاتک تفہم چھنہ ارتقائی حالتون خاطر
 پھر یوس وق آیت تھاوان بلکہ چھ کاشتر زبانی موکھ کرنہ آمتز پر تھ وعدہ کر
 اچھر شکلیاہ کڑ ناوتھ۔ یم وعدہ بؤ تھ کینوس کالس اسی کاشتر پانس تسلی چھ
 دوان ز شاید چھ سانہن سیاست دانن، تالیسی ماہرن کاشتر آسنگ احساس
 گوشت مگر کاشتر زبانی ہند تد رسی مسلہ یتبھ پتر مہن وری سن اوس تتی چھ
 ازتہ۔ یہ چھ معروضی پزرتیمینگ کاشتر پتھ مددیہ مڑ تھ ظون دولساوتھ تہ
 کیشہ کرتھ باس کرناونگ ضرورت چھ۔

کاشتر زبان پری متہن تھ تھ پڑگری پراؤر متہن چھ روزگارک مسلہ۔

نوبن کاشتر بن کور بن گبرن چھنہ امہ کنڑ اتھ منز تھہ ڈگری حاصل کرنک مائل
 پادے گڑھان۔ پانہ مور، سون مطلب چھ خود کشی ہند مائل کیا زیہ پاد
 کرنہ۔ یوتام نہ اتھ مسلسل قومی شناخت اہمیت زانتھ جدلی و طیر حل یہ
 ژھارنہ توتام ہیکہ نہ سانہ ماجہ زو ہند لون شیرنہ تھہ۔ امیک دس گڑھ
 کشمیر یونیورسٹی ہند وائس چانسلر ہند گٹھ کاشتر اون والہ چیمبر تہ کاشتر
 ڈیپارٹمنٹ پٹھ سپن۔ نتہ اگر امہ ڈیپارٹمنٹ ڈس نو جوان فرار سپن
 انچ افادیت کیا چھ؟ پر تھ کاشتر کارخانہ دار چھ پننس مالس مول ہر راوہ
 خاطر رنگہ رنگہ تہ پر تھ سترس پٹھ مچلہ لاگان۔ وونی اگر پروفیسر شفیع شوق
 صاب شوژ منہ یے پام و بڑھنا و تھ چھ ونان۔ ربڑھ کیا ز و تھہ۔ فوہ
 کیا ز کھسو؟

کاشتر بن حاکم من تہ چھ سون مشور ز اگر توہی یڑھانے چھو کاشتر قوم
 نبتہ سوتھ کرناون، نیمہ قوچ خلقتی سویت چیر چیر گجہ بڑی کر فی تیلہ کر وتی
 یہ توہی کران چھو، سون مطلب چھ بن مانس بن، فرہنگ بولن، فرہنگ کھینیم
 توہی لاکم چار تھ چھو ہنز کج زو پننن قونون مندور بن ہنز ملو کانی بناونی۔ مون
 زیموز بانو آسن نہ ل مل مون تہ علمدار کشمیر ہوک دأ نشور تہ سماجی، سیاسی ثقافت
 و تہ باوکر دی متری۔ توہی ماچھو کاشتر۔ ژو کاشتر بن تہ ہنز مان زو کتھ۔

کاشتر بن ہنز کتھ کتھ ٹلو کاشتر گپن گان در کر

اؤر کھن ژھوٹ میوٹ بن شکما بر تھ عالی جناب
 وونی چھ پر تھ کاشتر شار لکھن دول نثر تہ لکھان۔ تیمیک موحرک

ستپش وِل صائبن دُوپ چھ آسان۔ یہ چھ رُژمَل۔ یمن شُوبہ امہ خاٹِر
 سون مُبارک تہ۔ از چھ کاشتر بن باسان کُشیر ہند ریڈ یو سٹیشن چھ تہتر
 نمائندگی کران جذبن تہ وومیدن ہنز مشاکر ہتھ امیک نگران اعلیٰ جناب
 بشیر عارف چھ سائبن ظونن ماجہ زیو ہند ناند تہ مانچھ پکھر اوان۔ یو ہے ظون
 اگر سائبن دُانشورن، تالیمی ماہرن تہ پرنٹ میڈیا بلکن زُھبن تہ آسہ ہے
 ماجہ زیو ہند ڈیکہ پھولہ ہے۔ یم چھ قومن ہندری و تہ ہاو کر آسان۔ وشفہ تینے
 گڑھ و تو اُرتخ مانچھو!

دوئی گوویہ پزرتہ چھ گاشری سرری پیکر پٹھونون تہ ٹاکار زمرار کر اکثر
 دُانشور، شاعر تہ لکھار کر چھ وشفن یاز اُتھ مانتھ مشرپہ بڑ کر نہ یوان
 (کیٹھہ تر اُوتھ) یہ گراوچھ عارف صائبس بوزنی۔ یمیمہ ہتھک با تھ، پھلیہ
 و ن، تہتر فرمائلش، ہیلو تہتر فرمائلش، ہازو و پالیں پتو، ہم سخن، بیتر پروگرام چھ
 امکو شُوت، مرازس منز چھ کل کُشیر ہندس سو تھرس پٹھ غزلس تہ تخلیقی
 قابلیہ منز حیثیت مانہ راؤ کر فردموجود، یم یمن پروگرامن ہند شان تہ عظمت
 و ہراو ہن مثلاً رنجو کشمیری، ارجن دیو مجبور، ناجی منور، غلام محمد شاد، محمد ایوب
 بیتاب، غلام نبی ناظر، موہن لعل آتش، سید رسول پونپر، شفیع شوق، گلشن مجید،
 غلام نبی آتش، ایس راضی، شہزادہ رفیق، شاد رمضان، بشیر اطہر، رشید سرشار،
 علی شیدا، محمد شفیع سنمبلی تہ زاہد مختار بیتر بیتر کاتر قلم کار، آسہ چھ وومید زنگران
 اعلیٰ ریڈیو کشمیر دن اتھ کن ظون۔ یو ہے گلہ چھ آسہ دُور درشن کیندر سرینگر
 کس انتظامیہ ہس ستر تہ۔

سانہ کلچرل اکادمی ہند شیرازک مدیر، معاون تہ نگران تہ چھ شاہشی
ہندو حقدار ز شیراز چھ و قس پٹھ چھ سانبھن ظونن تسکین بخشان۔ مواد چ
رنگینی تہ تازگی چھ ایڈیٹر صائف مستھ ہاوان۔ سانبھن نمائندہ تہ مرحوم
دانشورن متعلق شمار چھپاوتھ چھ یہ ادارہ رتھ مثال قائم کران۔

گنہ تہ ادبی تنظیم ہندس ادبی رسالس یثہالیہ مطابق معیاری بناونس
منز چھ پڑی کینہہ دُشوارہ یہ۔ مگر تہ کرتھ تہ چھ مراکز اشاعتی ٹیم مشیر
محترم ہنز دے پٹن اصول بناوتھ مرازس، رتہ کھوتہ رت بناونچ ہونر
ورتاوان۔ تخلیقی نثرس ستر ستر نظمہ تہ غزلہ چھ امہ کین ورن شوہ ناوان۔
اسر چھ وژھ وانجہ مبارک کران جناب مکھن لال کنول صائبس تکر سہنر شاہ
سومبرنہ ”یتھ آنگنس منز“ سانبھیہ اکادمی ایوارڈ تہ ریاستی کلچرل اکادمی دسر رتھ
کتاب، ینامہ ترنس پٹھ، سستی ستیش ول، عبدالاحد حاجی، رشید کانپوری تہ
ایوب صابر صائبس تہ سانبھیہ اکادمی ایوارڈ ترنس پٹھ۔

اسہ چھ پڑھ زیہ شمار تہ کھسہ توہہ ٹار تہ گریو اسہ پنہ رتہ تعمیر مشور
ستر زانیاب۔ یتھ مرازمز پد رت بنہ۔

کیشہ للہ وا کہ — اکھ تجزیہ

پروفیسر حامدی کاشمیری

للہ وا کہن ہنر ہیتی لجامہ خصوصیت چھے یہ زیم چھ عام پاٹھو ژون
 مصرعن پٹھ مشتمل تہ ردیف قافیج پاسداری کران، یم وا کہ چھ مقامی
 سو تھرس پٹھ تہ امہ نشہ تھد وقتہ کائناتی تناطرس منز زندگی، موٹکو تہ خود
 شناسی ہند وسیع تہ پیچید تجربہ کیشون لفظن تہ شبہن منز وپراوینچ معجز کاری
 کران، تہ حارتھ چھ گوٹھان ز کاشتر زبانی ہنر یہ گوڈنچ شاعرہ، تیسس بروٹھہ
 گنہ کانہہ شاعرانہ روايتھ چھنہ، کتھہ پاٹھو چھہ پنہنن شارن منز زندگی
 ہندہن تجربن ہنر Essance ووتلاوان، یہ کتھ چھہ کھر گوٹھان ز
 شاعری چھنہ علمکی پاٹھو حاصل یوان کرنہ بلکہ چھہ خود اُلی دیت۔ امیک
 نا کار ثبوت چھہ اٹھو ز مانس منز برگزید شاعر شیخ العالمی شروک تہ پیش کران
 تہ تمہ پتہ بڈی بڈی صوفیانہ شاعر تہ پن حصہ ادا کران۔

یمن واکن ہنز بیا کہ خصوصیت چھئے یہ زیمین منز چھئے اکھ سنجید، پریول
 سنہ وئی، خود آگاہ تہ نوزک خیالی شخصیت منکشف گروہان، یوسہ پننس سماجی
 تہ ثقافتی ماحولس ستر اکھ باطنی رشتہ چھئے تھوان، امہ باوجود، چھئے یہ اُکس
 ماورائی سوتھرس گن سفر کران، تہ ازلیہ تہ ابد کین رازن تہ راوینچ کوشش
 کران، تہ شارن فکری گوہر یاد کران، اتھ عملہ منز چھئے تہ سید شیبو متک یا
 وحد الوجودک فلسفہ کاٹھہ تھوس انان۔ تکیا زسہ چھئے فلسفہ یا نظریہ زور
 پُشر اوان یا آپراوان، بلکہ چھئے اتھ تخلیقی تجربہ بناوان، یوہ وجہ چھ زک سُنڈ
 اُپدیش یاپا عام چھ واریا ہن واکن منزویہ وُن باسان۔

ترتیم خصوصیت چھئے یہ زواکن ہند کردار چھئے پُن بن گودرن بیانس
 (Narrative) زور پُشر اوان، بلکہ چھ یہ ہنز شبیہ کاری کران۔ واکن ہنز
 شبیہ چھئے زبر تہ متحرک، یمہ چھئے خاص گرتھ وچھئے کس نہ بو زہ کس
 حبس زیر ووان، شبیہ کاری ہند یہ انمان چھ واریہن جاین علما متی رنگ
 رٹان تہ معنیہ یک واریہ عالم تہ راوان۔

آلیس وتے گیس نہ وتے

سمن سوتھ منز لوسم دودہ

چندس وچھم ہار نہ اتے

ناو تارس دمہ کیناہ یوہ

یتھ واکنس منز چھ زندگی وار سُنٹھ امہ کہ تھیر رُک تہ لاحاصل
 ہند تجربہ ووتلاوان، یُس شاعرانہ کردارن وپر وومت چھ، یہ چھ اُکس

فرضی دُنیا ہس منز زندگی وچھنگ، ژالہ نگ تہ پرکھا ونگ نیب دوان، سچھ
 واکس منز چھ اُکس مسافر ہند ازھین سفرک اکھ داستا نوی تجربہ دوتلان۔
 اکھ نسوئی کردار چھ پنڈر سرگدشتہ باوان (تہ ہاوان تہ) یہ زنی چھ و تہ پکان
 پکان پننس مقاس واتان، یانہ واتان، سوچھ تہ پوت پھیرنہ و زتمہ و تہ
 گنہان پیارک سو آئیہ، سو گئیہ مختلف مقامات ژھانڈان، تہ منز باگ
 سو تھس، سچھ ڈریا وچھ، پٹھ سپدس شام، اُتھ پریشانی منز دودھ چھ
 لونس، آؤس خیال تہ سو ترہے درریا واپور، مگر ناوتارس کینا دیہ، سوچھ
 چندن ژھانڈ دوان، مگر تمس چھنہ کھنڈ ہارتہ، مجبوری تہ مویوسی ہندس حالس
 منز لُج گنہ تھ چھ و نان ”ناوتارس کیاہ دمہ بو“، تکر ہندس لوٹس بھس
 منز چھ خود کلامی تہ انسانہ سزازی بیچارگی ہند لرژٹلون فریادتہ۔ انسان چھ
 و مگر جھکھنہ باوجود بجرس تہ زوالس گن پکان تہ ژھوڑے تہ چھوئے
 روزان، کہ تکر سندر چھ اندواتہ نے روزان، ”ناوتارس دمہ کیاہ بو“ یہ چھ
 ازھین خاموشی یوسہ پرن وائلس نامعلوم طرفاتن گن نوان چھ، میر تقی
 میرن چھ واریس حدس تام تھ تھ ہے تجربس ایحاطہ کو رمت۔

آفاق کی منزل سے گیا گون سلامت

اسباب لٹارہ میں یاں ہر سفری کا

آمہ پنہ سؤدرس ناو چھبس لمان

کتہ بوز دے میون مینہ دیہ تار

آسمن ٹاکن پونی چھم شہان

زو چھم برہمان گر گڑھ ہا

یئمہ واکھک شاعری کردار چھ زنائہ، یوسہ ناومنز چھ سو درس منز ہینہ
 آمڑتہ سو درس اپور تر تھ گر گڑھنچہ خاہشہ ہند اظہار چھ کران، سو درس منز
 روٹہ کنی زنی گڑھن چھ خوف، گنبر، آرزو، حسرت تھ موہوسی ہندک انسلالات
 ووتلاوان، تہ شار چھ بہلہ پائیک نمونہ بنان، کینڑ و بیادی شبیہوتہ علامتو
 مثلن آمہ پنہ، سو درس ناد، امر ٹا کر تہ پونہ ستری چھ اکہ فکر انگیز تخیلی صورت
 حال ووتلان، اچھن بروئہہ کنہ چھ اکہ کنی زنائہ یوان، یوسہ پنہ نو نو زک
 اتھو سو درس منز آمبو پنو ستری چھ ناو لمان، تہ آرزوے کران ز دیو دے دیہ
 تمس تہ تار، تکیا ز تمہ چھ بوزمت ز کاتہن چھ اتھو حالس منز تار لو گمت،
 سستی چھ تمس اندری یہ خوف تہ کلہ کڈان تہ چھ موژان ز سو چھ آمہ پنہ ناو
 لمان، تہ بٹھس واتہ نکو امکانات چھ موہوم تہ معدوم یہ سوچتھ چھ سو
 اندری موژان ”آسمن ٹاکن پونی چھم شہان“ چھ نہ راوان زیوونی یس
 آسمن ٹاکن شر پُن گوڑھنہ، چھ شر پان، یانے اتھ سمندری سفرس منز
 یئمہ سڑتہ وومید پٹھ سو اتھ سمندری سفرس دڑا ہڑا س، سو گڑھنہ ژھو، کنی،
 چھ ژھوکان، توے چھ آخری مصرعہ یتھ آرزو مندی پٹھ اندواتان ز سہ
 گڑھ ہا گر یانے پننس مقاس واتہ ہا اپو ز آرزو مندی تہ یئمہ خاہش ستری
 چھ یئمہ کتھ ہند باس لگان ز سو چھنہ تمومشکو نشہ بے خبر، یم تمس بٹھہ ین۔
 یہ واکھ چھ علامتی شبیہ کاری ہند اکھ مول نمونہ، تہ تجربہ کن متضاد عنائصرن

ہنر باوتھ کران، یتہ چھ انسہ ستر ذاتھ پڑنا ونچ باا صلیتس واتہ نچہ کوشش
تہ للاحاصلی ہند المیک باس دوان۔

لتن ہند ماز لاریوم وتن
اکی ہانم اکہ جی وتھ
یم یم بوزن تم کوئ متن
للہ بوز ستن کنی کتھ

یہ واکھ چھ اکہ طویل مہم جویانہ سفر چ باوتھ کران، امیک اکھ وصف
چھ یہ زیہ چھ کم کھوتہ کم لفظو ستر اکہ ذہنی اوڑیسی ہند خولہ خط و دتلاوان،
واکھس منز چھ لفظ ژ کرم تہ ترتیب ستر ننان ز امیک کردار چھ ا کس مسافر
ستر صورت پر اوتھ ا کس خاص وتہ پچہ مڑ، تہ وتھ چھ لتس واریا ہووتہ
ہاو کو منز ا کر ہاو مڑ وتھ یہ چھ اکہ جی وتھ، یانے وجد اپت وتھ، تھ پٹھ
پکھ ستر تم سترن "لتن ہند ماز وتن لاریو" لتن ہند ماز لاریوم وتن، چھ اکہ
زندہ شبیہ، امہ ستر چھ ننان زیہ وتھ کاژاہ کر پٹھ تہ ز پٹھ چھ، تہ سو کمہ شوقہ
چھ یہ وتھ گاران، "یم یم بوزن تم کوئ متن" چھ مبہم تہ یہ چھ واریا ہن
امکاناتن کن ظون پھران۔ اکھ معنوی امکان چھ یہ ز ستن ہنر بیون بیون
کتھ بوز تھ چھ لوکن امہ وراے کانہہ چار ز تم متن، دویم امکان چھ یہ ز
شعری کردارن بوز ستہ وئی ہنر کتھن منز کنی کتھ سو کتھ چھ تیزہ ز یم یم
بوزن تہند حسبہ ہوشہ دُلن چھ یقینی، بیا کھ معنی چھ یہ ز امہ زیٹھ سفر پتہ
تھ منز تم سترن لتن ہند ماز وتن لاریو سہ بوز ناو سہ بوز تھ تمن بوزن والین

سہ حال کیا چھ؟ یہ چھنہ اُمت ونہ، اما پوزوا کھک کلہم لسانی نظام چھ اتھ
 گن اشار کران، یا نے سہ چھ اُستخ زان یا بصیرت یوسہ نہ لوکن ویز چھ،
 تہ تیمیک نہر کرہ ستر تمہن مژریہ، وا کھ چھ لوکن ہنز اتھ بے خبری تہ لا علمی
 پٹھ طنز تہ۔

تلہ چھے زیوس تے پٹھ چھکھ نژان
 ونہ مالہ من کبتھہ پڑان چھ
 سورے سومبر تھ پتیر چھ موژان
 ونہ مالہ ان کتھہ روژان چھ

یہ وا کھ چھ اکھ مکمل فرضی صورت حال و ویداوان، یوسہ پرن وائس
 تھف چھ کران، شعری کردار چھ انتہائی تہ سنجیدہ جس منز اُکس نژن
 وائس گن مخاطب، پیہ چھ اکھ نرل نژن وول یس خبر چھ زہ چھ زیوس،
 یا امہ نشہ بے خبر چھ، مگر سہ چھ توتہ اتھ پٹھ نژان، یا نے سہ چھ موتہ کس
 اُس منز اُستھ نژان تہ پانس گندان، یہ وچھتھ چھ شاعرانہ کردار
 راوان، سہ چھ اُمس ثینہ وئی ووان یہ ونان ز اتھ نژنس چھ تس سورے
 کینہ میلان، مال، دنیا، شہرت، کھن چن، مگر یوسہ تمو کھوتہ بڈ حقیقت چھ
 سہ چھ پنہ جلیہ اٹل، یا نے سورے سومبر تھ چھ پتیر موژان، چھ اُمس
 پڑتھان ز تمس کتھ کز چھ موتہ چہ ٹاکار حقیقہ باوجود من پڑان گندنس تہ
 نژنس، نژن وول چھ امہ ڈراما ہک مرکزی کردار، سہ چھ دلاوری تہ جرتہ
 سان ٹس ژنہ رکھ دتھ پنز کام کران، منکل، منکلہ ہنز آواز، ہیکہ نژن

واکر سَنز اندرِم آواز تہ اُس تھ۔ خود آگاہی ہنر آواز یہ ہیکہ کردار سَنز
 آواز تہ اُس تھ، یوس سارے ڈرامہک اڑھین حصہ تہ ہیکہ اُس تھ، یتھ کز
 چھ اَکھ متضاد صورتحال بروہہ یوان یوسہ انسانہ سُنڈ ازلہ لون چھ۔ سہ
 چھ لسان لسان، سومبران، ساران، نژان تہ ژھوہ بران پہ ز اُن تھ تہ کز سُنڈ
 ہر کانہہ شہہ چھ تمس تبائی تہ عدس کُن یوان۔ یتھ کز چھ واکھ متضاد
 صورتِ حایل تصویر کاری کرتھ انسانی شعورِ ج تہ فنی پختگی ہند ٹاکار ثبوت
 دوان۔



کاشتر زبان تہ عبرانی

غلام نبی ناظر

یہ چھ اکثر محقق مانان ز کاشتر زبانی پٹھ چھ عبرانی اثر سوت تہ کیا ز
 وار پٹھ کال بروئہہ چھ یہودی یا بنی اسرائیل یوراءتر کینہہ لوکھ چھنہ تمہن
 ہند یورین پور پٹھ تسلیم کران تہ کلس پٹھ چھ یہ راے یہے بے اثر ہش
 روزان تہ یہ چھ سبٹھاکم مجراہ زنہ یوان۔ او کز چھ ضروری ز اتھ سلسلس
 منز یس تحقیق ونیک تام سپد مت چھ سہ انون ا کس مربوط تہ یکجا صورتس
 منز پر ن والین بروئہ گن۔ تھ زن انچ اہمیتھ برپور اندازس منز واضح گوہ۔
 کتھ چھ یہ ز ناگن ہنز ا نکو ز پٹھ۔ تھ مندور پشچو کن دیٹ تھ تیگر
 تیگر قومن پنہ پنہ زبانی ہند مصالہ تہ مواد ملنومت چھ تمو منز چھ عبرانی زبان
 امہ حسابہ سنسکرتس ستر ستر پایہ تھاوان۔ تکیا ز اتھ متلق چھ تو ا ریخی تحقیق وونی
 اوت وومت ز عبرانی زبانی ہند اثر چھ دون ساسن وریسن ہند دایر
 زٹھ ساژن تر بن ساسن وریسن تام وٹھ نوان۔ تہ یہ مانس چھنہ

چارے لگان ز بنی اسرائیل چھ لگ بھگ ڈوڈ ساس وری آسچس بروٹھ پٹھے
 کشیر یوان روڈو مٹر۔ یہ چھ ٹھپک ز عبرانی چھ سائی خاندانس ستر تولق
 تھوان تہ عربی تہ تورانی چھ انچہ بیٹہ تولتہ چھ عبرانی زبانی ہند تولق واضح
 گنڈھان۔ اوتار کرشن رہبر چھ ونان۔ ”سوال چھ ووتھان ز تیلہ ماہ چھ یے
 ناگ یہودی اُس مٹر۔ مگر سوچہ غلطی ناگن ہند وق چھ اندازن یے ۱۵۰۰
 ق م پٹھے ۵۰۰ ق م ہس تانی ہیو اوسمت تہ اٹھر وقس منز چھ پشاج تہ یور
 یوان تہ ہندستانی آریاتہ۔ طرف دارن ہند وٹن چھ ز یہودی چھ یے از
 بروٹھہ ز ساس وری کشیر منز دا خل سپد مٹر۔ سہ گوو دویمین لفظن منز سہ
 وکھ تھ ز ن پرا کرت کال ونان چھ۔ سو پشاج زبان یوسہ امہ وقتہ کشیر منز
 بولان اُس سواس واریاہ بروٹھہ ذامڑہ امہ کنز ہکو کھنہ ناگ یہودی مائتھہ“
 جڈہ تحقیقاتہ کنز چھ یہ کتھ جادے پہن قابل بھروسہ ز بنی اسرائیل
 چھ ۱۵۰۰ ق م پٹھے کشیر منز دا خل سپدان روڈو مٹر۔ تیلہ چھنہ اٹھ کانہہ
 شکھے ز یے مانہہ آسہ ہن بنی اسرائیل تہ یہنزے ہنڈ پٹھے ماچھ کاشتر زبانی
 ہنز مندورتا مہر سپز ہڑ۔ یم رایہ از تام کشیر ستر بنی اسرائیل ہند واٹھ ثابھ
 چھ کر تھ دیوان تم چھ تھ کنز:-

ڈاکٹر صوفی چھ سر والٹر لارنس تہ فرانس یگ ہسبند سٹند حوالہ دتھ ونان۔
 ”ونہہ ہیکہ تھ ز کشیر ہنز مؤجود آبادی چھ اکھ تھ ملون تیمہ
 کین قدیم باشند ستر کم کاسہ یہودی تہ دویم نیم نسل آباد چھ۔
 (کشیر مصنفہ ڈاکٹر جی ایم صوفی)

الہیرونی سُنْد وُنْ چھ۔

”کاشتری لُوکھ چھ پنہ مُلکچہ رَا چھ ہُنْد پُوڑ پُوڑ بوند بس کران۔ تم چھ
اور گنہوینن وُن تہ گلمن پُوڑ پُوڑ رَا چھ کران۔ امہ کنی چھ یمن
نیش وَاٹن سبٹھاہ مُشکل۔ پتھ کالہ چھ یمو ا کس دون پرتو من
خاص کرتھ یہو دہن پننس مُلکس منز اژنگ اجازتھ دیٹمت۔
(کتاب الہند جلد ۱ صفحہ ۲۷ مطبوعہ انجمن ترقی اُردو)

پنڈت ہرگوپال کول چھ لیکھان:-

”مسلمان تہ چھ یتھ کشمیر جت تہ باغ سلیمان ناو دوان۔
یہندرتہ چھ واریاہ استان تہ زیارثیہ۔ یہند وُن چھ حضرت
سلیمان تہ اُس یور آمتڑ تہ باضے چھ یہ عقید تھاوان ز حضرت
موسیٰ تہ چھ یور آمتڑ“

(گلدستہ کشمیر صفحہ ۷ منصفہ پنڈت ہرگوپال کول)

”سرسوتی ندی ہندک پاک تہ پوتر بڑہم درت وراے چھ
سورے عالم ملچھ آچار یہ حضرت موسیٰ ہند پوپا روکار وستر برتھ“

(بھوشیہ مہاپوران۔ پرتی سرگ۔ پرب کھنڈا ادھیائے ۵، شلوک ۳۰)

نوٹ: برہم درت چھ تلج تہ منزیم علاقہ یانے تھا تیر پٹھ تلج تاُمک

علاقہ مانہ یوان۔ (کیمبرج ہسٹری آف انڈیا، نقشہ ۵، صفحہ ۶۰، حصہ اول)

تاریخ حشمت کشمیر مصنفہ محمد القادر۔ مسودہ ۴۳ ریل ایشیاٹک سوسائٹی

چھ ونان:-

”اہل کشمیر بنی اسرائیل اند“ یا نے کشمیر ہندو روزن وائلو چھ بنی اسرائیل۔

رام چند کا کچھ ونان:
 ”پیٹہ چھ موسیٰ عام طور پٹھو ناوتھوان۔ تہ کینہہ قدیم یادگار چھ
 ازتہ مؤجودیمہ تلہ بی چھ ننان کہ یم لؤکھ چھ اسرائیلیو مژ۔
 (انشٹ مانو منٹس آف کشمیر، صفہ ۲۵)

”سر ولیم جونز، سرجون میلکولم تہ چمبر لین چھ پور تحقیقات کرنہ
 پتہ اٹھو پنچس پٹھ وائی مٹر۔ زداہ راؤ ک مٹر قبلہ سپدر افغانستانہ
 پٹھ پکان پکان ہندوستان، تبت تہ کشمیر مژ پناہ گزہن“
 (لاسٹ ٹرائین مصنفہ جارج مور ۱۸۶۱ء)

”کاشمیری چھ یہو دین ہندو اولاد“

(جنرل ہسٹری آف مغل ایمپائر صفہ ۱۹۵، مصنفہ، پادری کٹر و مطبوعہ ۱۸۰۷ء)

”کاشمیر ہند غالب نو مؤنہ چھ صفائی سان عبرانی“

(ویلی آف کشمیر صفہ ۳۱۸ مصنفہ سروالٹر لارنس۔ مطبوعہ ۱۸۹۹ء)

کشمیر مژ حضرت موسیٰ سند مقبر آسج شہادتھ چھ واریاہ تارخ دان
 دوان یمن مژ تارخ گلدستہ کشمیر، تارخ خللیل، وجیز التوارخ، تارخ شمشہ
 کشمیر، نگارستان کشمیر بتر خاص کر تھ مشہور چھ۔

کشمیر ہنز اکھ معبر تہ مانو مژ تارخ ”تارخ اعظمی“ یوسہ زن خواجہ محمد
 اعظم دیدہ مری صابن چھ مژ چھ۔ تمہ کس صفہ ۸۴ ہس پٹھ چھ یتھ کڑ

عبدالاحد آزاد بیو زَن کاشتر زبانی تہ ادبہ کس تحقیق منز و مبر ہندا کہ
 جان حصہ خرچ کو رچھ پنہ کتابہ منز اکھ روایتہ یتھہ گن درج کران :-
 ”کاشتر زبان چھ سُر یانی تہ عبرانی زبانی منز دز اہڑ - ونہ چھ
 یوان ز سبٹھہ پرائس ز مانس منز چھ یتھ مملکس منز بیو دی قوم
 آباد گو مت تہن زبانی اس عبرانی نیمہ زَن پتہ بدلتھ کاشتر زبانی
 ہنر صو رتھ پرائو -

آزاد چھ واریا ہن لفظن ہندا فہرس دوان یہ ثابتہ کرن یشہان تہ پتہ
 بروٹھہ گن ونان:

”حالاً تو تلہ چھ مولوم سپدان ز ساس وری بروٹھہ آے بیو دی
 شہر شامہ پٹھ یور - تہن زبانی اس عبرانی - نیمیک اثر کاشتر زبانی
 پٹھ پیو - پتہ چھ ونہ یوان ز نمو نیلہ کشیر پننس مملکس شامس
 ہش لب تہ نمو تھو و اتھ ناو ”کاشیر“ نیمیک مانے چھ ”شامس
 ہش یا ہیو“ (کشمیری زبان اور شاعری مصنفہ عبدالاحد آزاد)
 پروفیسر محی الدین حاجی چھ اتھ سلسلس منز کھلہ ڈلہ پاٹھ کران
 تہ ونان:

”بلکہ چھ پتہ اکھ حقیقت ز کشیر اندر چھ از تہ واریاہ گام بیہند ناو
 بیو دی بستین ستر رلان چھ - یم تمہ زمانہ کس مشرق وسطی
 علاقس منز آسہ تہ یمن منز تمہ وقتہ کین بیو دین آو جاو اوس -
 کاشتر ہن واریاہ ہن قبیلن ہنر کز امہ چھ عبرانی زبانی ہند ناو

(اسم علم) یم یہودی گزوپ لیڈرن ہندی ناوازتہ چھ ”کتاب
 الخروج“ (یانے بائبل کس باب کتاب الخروج) کتابہ منز سر
 کھر کرنہ ین۔ کاشتر زبانی اندر چھ درجنہ واد تہہ لفظ ازتہ ورتا ونہ
 یوان۔ یہند لغوی پیر ووتر صرف عبرانی زبانی اندرے یوت لبنہ
 یہ۔ کشیر ہندی واریاہ معاشری رسوم، عادت بلکہ پرانہ عہدک
 لباس تام چھ کاشتر ہن تہ یہودین پانہ وانی سمان“

(مقالات صفحہ ۹۸، ۹۹)



راون تیول - اہم عنصر

حامدی کاشمیری نہ شاعری منز

شہزادہ رفیق

حامدی کاشمیری چھ بے تھ کتھ پٹھ ڈر پڑھ تھاتھ ونان ز شاعر چھنہ
یڑھنہ تہ علم یا منصوبہ ستر تخلیقی ورتاوس دس تئان۔ امیک اشار چھ تہہ تہہ
تہ برنر پتہ برنر سپدن والبن تمکن حادثن تہ حارثاتن کن بیم زندگی ہندس
رفقارس متاثر چھ کران تہ تخلیق کار چھ منہ چو اچھو وچھتھ محسوس کران عام
انسانس برعکس یس وڈن چھ، پشن چھ، باکھ تراوڈی چھ فقط زانان، شاعر
ہونر اگر طالعہ یا وراسبس، ورتاوس اُتھ بناوٹس احساس ہنز زبہ دوان۔

حامدی صاب چھ نقادیس پڈر تجزیاتی فکر چھ۔ ازج شاعری پڑتھ چھ
محسوس گڑھان ز شعر لکھن ولس گڑھ وڈھن ہند تہ فہم آسن۔ یمہ
اظہارس منز فنکار بلوغیت سنجید رویہ چھ اختیار کران۔ تہ فن پار چھ قبولیت
پڑاونہ خاطر توڑھ حاصل کران۔ یہ چھ اکھ تڑھ عمل یوس تخلیقیت
ووپد اوتھ متن اوہود حال چھ بناوان۔

دیکھ لیو مُت گپہ زول
سپنس منز شتر پوپہ رووم
پھمبر نہ زرو
زہڑ

ز زڈرک یاو
رہتھ گے تارکھ

سون زمان و مکان چھ اطلاعی انقلابہ کنز انتہائی متاثر کو رمت زندگی
ہند پرتھ کاٹھ پہلو چھ بدلاوس کن، انسائی سوچ چھ اضطرابس منز تہ وائسہ
وادو پٹھ تسلسکس منز، پرتھان واجنہ قدر چھ بے زوگرہان یس انسائی
تو آرتھک اکھ بوڈ بار المیہ چھ منظر ناوان۔ حامدی صاب چھ حساس شخص یم
اتھ بدلاوس ثریان تھ انسائی عظمیتکس عظیم ثقافتس پٹھ رد عمل چھ ہاوان۔
یتھ منز تکر سُنڈ پوت کال چھ، معصومیت چھ، رشتن ہند احترام چھ۔ حامدی
صاب چھ یمن رشتن منز نو تھن پیک شینکلیاہ بنیاذن ہوٹ ز لان وچھان۔
جدید رجائن ہند خلتی کچھ یقین تھاوان تہ چھ یم انہار تلواس تھان، سہ
چھ امیک اظہار رومانی تہ ریوایتی انداز کران تہ تو آرتھ فہمس منز گہرائی ستر
ستر گہرائی تہ ز نماوان۔

باغہ پتہ باغہ ہرہ داو وڈاں
پوشہ موت کس بہار چھاوتھ گوو

باطنی انفرادیت تہ دیو ہارس اہمیت دوان چھ حامدی کاشمیری نیر مس

دُنیا ہس منز زون والین تہ تہند بن دوکھن سوکھن تُلّاش کران۔ تہ کیا ز تہندس
 اتھ فنکارانہ رُوکس تہ پڑھ چھ آگر منشہ عالم۔ تہند مانن چھ ز شاعری
 چھ دراصل حیات وکاینا تہ و تشل ظہور کی پٹھی شاعر سندا طنی خلعتی جوہر چ
 لسانی پر بڑتہ تیمیک محرک تم وارڈ داتھ چھ یم تس اندر پکھر چھ سپدان
 یم ہند تعلقہ تس من ہشاری تہ خود اعتمادی حاصل چھ گزہان۔ امہ انداز
 چھ حامدی کاشمیری منہ منز و تہ دپد مان عالمن منز زوان تہ ذاتی تجربہ کنوتھ
 راون تیلِس وون دوان یس تم سندا نفسیاتک ازھوون حصہ چھ، تیمیک
 ہجرتس کچھن چھ تُلان۔ یو ہے کچھن چھ بُنیادی سوتھرس پٹھ کر سندا اظہار
 نظامس سوتھر بنجشان۔ امی سوتھر چھ اُمی ستر حیثیت پرزان تہ آنہ گز
 کوٹھرن گاتراوان۔

کز ہبو چائبو
 چشمن دام دیتکھ
 زندان بروٹھر گئے
 ون دولہ سنہ آے
 بے لاریوس

رُت شعر چھ تولی تولی میز میز تخلیق سِد مت آسان۔ تخلیق کار چھ فہمس
 تہ اظہارس رشتہ ناوتھ امہ کس انہارس منز جمالیاتی پراو کران۔ حمدی
 کاشمیری صاب چھ انسانی احساس ستر شاعرانہ احترامک لجاظہ کران روایتی
 رومانوی انداز غزل تہ نظم لکھان۔ تس چھ انسانی بے بسی ستر تمہ دوکھ

وہ ہارکِ علم یافت تیکو انسانی درد و کربس منز ہر بر گرتھ رشتن زہین چھ
 دیشمت - یہ کرب تہ دوکھ چھ تکر ہند شعریک ارزتھ - یتھ واتیارچہ وتہ ونہ
 چھ - تہ کیا زسہ چھنہ لفظ تھران بلکہ ویدک لفظ پنہ ہونر تہ قابلیہ ستر ورتاوتھ
 حصین ہندک خزانہ و ہراوان -

حامدی کاشمیری چھ تجربہ کران - یہند تعلق تینہ ونن ستر چھ - یم
 سبھچے حساس چھ تہ یہندس تخلیس منز سرگرم چھ تہ بشری و سپلہ چھ عملی
 سرگرمین ظون بخشان - امی ہانڈ نظریہ قائم کران - یہ چھ تخلیق کارانہ
 ایمانداری - یس پران و ایلس مسرت تہ حبس چھ و زناوان - یتھ پاتھو
 چھ من تہ منہ بود گاشس کن یوان - جذبہ، دوکھ، سوکھ تہ اتھ واس چھ
 اظہارک ضمیر بنان - یس منہ زواستھ تہ حقچون ہند موکھ کشالی خاطر رد
 عمل، مثبت یا منفی، ہاوان چھ ووتلان چھ -

ووتلہ نا کاتھہ صدا مزارو کز
 ہوئی ساری وونگان وونگان کوٹ گے

وونی چھ ڈولان لاشہ سرکن پٹھ
 نگ کا تیاہ ہکم مزارن گے

پتھ کالکہ روحانی ثقافتک ادراک تہ از کالک مشاہد چھ حامدی کاشمیری
 ہند تخلیقی اظہارک متن، جدید دور کہ ذہنی انتشار تہ اخلاقی قدرن ہنز پامالی
 کنی چھ مثبت رور یہ تھوڑک تہ بے توڑھ رور دکر ستر - یمینگ تیول چھ

تخلیق کارس۔ زبانی پٹھ دسترس برعکس ہیکہ نہ قابل تقلید ک ظون گمراہ کرتھ
مگر شوثر، سادگی تہ جذبہ یس یہنن نظم ہند خشک تو ارنخی نفسیات چھ،
چھ مطالعاتی مائل خاطر کافی۔
زھری گامتری دہہ نیمتری بازار

ون ہاپتھ

وہتری

خونہ لیتھو متو چانٹو

گاران

لاران

سمکھوکتہ

گر کیاہ نیرو

آنہ پھٹری تو

تھاران چھس!

معاشی تہ سماجی تو ارنخک تجزیاتی مطالعہ کرنہ ستر چھ اسہ پے لگانج ز
قدیم قبائلی اُس ورنہ تہ ووتھرنہ خاطر جانورن ہند مسلہ استمال کران۔ بیمہ
نہ قبائیلن مٹراکھ جماتھاہ یمن ووزلہ ژمہ ہندک اعتقاد اُس ونان۔ تہند
وُن اوس زینیلہ تم ووزلہ رنگہ کس ہاپتہ سُنڈ مسلہ لاگان چھ، تم چھ خونخوار
بنان۔ تہ دوگنہ ہیکتھ محسوس کران۔ بل کل چھ یہے کتھ ازکالہ کس بشری
وٹھرس تہ شعورس پٹھ چسپان گوشان۔ سائنسی انکشاف تہ زان چھ روحانی

دولتِ روس اُزد کس یا گر فطرث ہندس ژھد نس تل رتہ راتھ ہند اوپ
 ژوپ کران۔ یمہ کنسون سان تمہ قبائلو لنگرچ مثال چھ پھانپھلاوان
 یمن عقید اوس فقط رتہ کولن ہند آگر شولہ ناؤن۔ سون اُز یک انسان چھ
 پانس تہ کھوژان دویمین ہنز چھنہ کتھے

حامی صائب چھ نفسیاتی حبسہ آگہی ہند شعوتھاون وول تخلیق کارامی
 سبب چھ یہند بن غزلن ہند جمالیاتی تصور تہ نظمین ہند محرک تہ یوہے
 نفسیات۔ سہ چھ یژھان جدید انتشاری رونہ ظونک علاج تمہ لافانی آفاتی
 حکمتہ کرن یمینگ آگر رسول پاک صلی اللہ علیہ وسلم ہند اسوہ حسنہ تہ
 حیات بخش پیغام چھ۔ تمن چھ باسان ز اگر نہ ونہ تہ یہ تہند پب یافت ونہ
 پوشسن مند چھاون وول آدم پالیں پیہ نہ پان ژھٹہ نیارک بے ہیکہ پیہ
 زاین لیتھ۔ تھکر موضوع پننن نظمین ہند گہنہ تہ موکھ بناؤتھ چھ پروفیسر
 حامی کاشمیری روحانی ترقی پسندی ہنز وزنیہ تحریک بخشان۔ براندس پٹھ،
 پیشن گوئی، اُنہ پھڑک تو، مے دُوپ، نظمہ چھ تخلیقی فن کاری ہنز مدیہ وژھ

بصیرت۔

رتہ اڈنگو

ہوئس پٹھ

مقوم لکھان

لؤکہ عرصات

رستھ آمت

شور یومت

میائس برائڈس پٹھ!

نثری نظمہ چھ پُن نظم یاؤنی تو آہنگ تہ ربط، یو دَوے زن پیداواری
سرگرمیو کن تہ سائنسی ایجادو کن موسیقی ہند خط و خال ہنا ڈول تہ۔ وونی چھ
فن کار زبانی ہندس تخلیقی ورتاوس گن ژورتوجہ دتھ، استیعار اُتی تہ علامتی ورتاؤ
ستہ پنس باؤ ژ بلس توژہ بخشان تہ و انتیارس تہ ول۔ یو دَوے زن نفسیاتی
ہشہرچ عمل ویز تہ چھ مگر حامی صائب چھ پُنز تجربہ دالش ورائہ انداز
باوان۔ سہ چھنہ ہنگہ منگہ بے توژہ ابہام پاد کران بلکہ چھ یہ ہندس
اظہارس منز متن موکھ مفکرانہ ابہام سوک فطرتہ ووتلان۔ تیمہ کن تخلیقی
سو تھرس پٹھ اجنبیگ ابشتہ چھنہ گڑھان یہ چھ پزی فنکارانہ کامیابی تہ
خارجی حقیقتن پنے منبہ پر اؤک تصور اکھ تنہ صورتھ بخشان یوس خوب
صورت چھ قابل تقلید چھ۔

سو در بٹھس پٹھ

کھڑ

اکھ گر بنزل ژھاے

وُنیب!

اؤژے چھکھ



ترقی پسند راہی

رشید سرشار

گلِ عالمِ کین لبکھن والین ہند پٹھو سپد کاشٹر لبکھن ول تہ جنگِ
عظیم پتہ مار کسی نظریہ نگ متاثر۔ سون زند زوشاعر رحمان راہی صائب تہ رُود
امیگ قایل وارہس کالس۔ مگر راہی رُودنہ ہول گنڈتھ امہ نظریہ نگ نگار
وایان، جتھہ پٹھو وارہ شاعر اُسی۔ تمس اوس پنڈ خلقی و طیرن شاید یہ تیلی
وومنت ز خیال ہاچھ بدلان مگر شاعر چھ شاعرے روزان۔ تکر کر توے
کوشش پنڈ شاعری نظریاتی اُستھ تہ فنی لجامظہ شوژ تھاونچ۔

مستی رچھتھ کتھن ہند معنی ونان چھ راہی

غزل چھ رنگ کھاران چنگ و رباب ساقی

چنگ و ربابس سائلم اہمیتھ دنی چھ ہاوان ز شعرس منز چھنہ معنی یوت
کلہم۔ راہی صائب شعر چھ تمہ و ز تھنہ پیومت ییلہ یٹھ ہیو خیال
Reactionary مانہ اوس یوان۔ ییلہ زن کاشٹرس ادبس واش کڈن
والر پڑتھ کاتھہ فن پار عوامی ترجمانک وچھن اُسی یوہان۔

راہی صائب ترقی پسند نظریہ چھ جدلی رومانی تہ تجزیاتی اوسمت تہ یہ
ہیکہ دوہے ویہ ون اُستھ۔ تم چھنہ شاعرس ژکہ لیڈر زانان بلکہ چھ شاعر

ہنر کا نام صرف شاعری لکھن۔ رنگین تہ شوبہ دار اظہار چھ شاعر ہنر
 شوب۔ یہ شوب چھ لفظ ورتاوس مزننان نہ کہ خیال مزن۔ سیاسی تحریر
 مزن لوے نوے تھاوتھ تہ چھ تم غار سیاسی لفظ ورتاوان۔ زخم، دل جگر، گل
 بیتر چھ شاعری ہندک لفظ۔ سیاستس مزن چھ زخم بدلہ ظلم لفظ ویہ ون
 باسان۔ ظلم چھ ظلم بیہ ہیکہ نہ کینہہ بٹھ۔ مگر ”زخم“ چھ امہ کھوتہ کتہ کو ر
 معنی یورت۔

شاعر آسان چھ زخم زبوان

میون مطلب چھنہ ز راہی صاب کیاہ اوہے نہ ترقی پسندن برائے
 فن۔ پتھ اگر سیہ ہے تہ موتس واری، سنبالہ ہوش اگر صبحک مقام بیتر نظمہ چھ
 ترقی پسند شاعری ہنر بہتر ہن مثالہ۔ مگر یمن سار نے نظمیں مزن چھ باسان ز
 راہی صاب چھنہ شاعری او کز کران زتس کیاہ چھ کینہہ خیال، کینہہ نظریہ
 لوکن تام و اتاوی، بلکہ چھ تم تھو ہوک موضوع شاعری لکھنہ خاطر
 ژاران۔ پڑتھ دورس مزن چھ شاعری ہندک موضوع و قتیہ نراکڑ مطابق
 بدلان آتہ 60ء ہس تام کاٹہ شاعر نش از کو موضوع ژہار نی چھ پانہ
 اکھ بڈ غلط فہمی۔ کثیر مزن تہ اوس گوڈ پڑانن قدرن، نظریاتی احرامن مسمار
 سپدن تہ اوے ہیکہ ہے شاعر تہ بیو نش آزاد سپد تھ۔ او کز چھنہ یہ کاٹہ
 جرم ز کاٹہ شاعر ن چھ کاٹہ تہ موضوع بوومت یس نہ اسہ پسند چھ۔ اسہ
 چھ وچھنہ یس ز شاعری ماچھ کتہ موضوعس چھہہ جرم۔ یا شاعر ن چھ موضوع
 ہو باپتھ شاعری کرہو، کتہ موضوع چھن شاعری تخلیق کرنہ باپتھ اونی مزن۔

اگر موضوع ہنر پسند یا ناپسند ہنر کہوٹ بنہ تیلہ چھنہ شیکسپر پرئے زائہمہ - تہ
کیا زخمی چھ جنن تہ پرکین ہنر کتھ شاعری منز وئی ہنر تہ اسہ چھنہ پنہن
کتھن پٹھ بروئے - راہی صائف ترقی پسند شاعری چھنہ تقر پر بازی بنہمڑ -
یو ہے چھ وجہ زیہ چھنہ پرل و اُلس agitate کران، بلکہ مستی ہندس
عالمس منز ساونچ کوشش کران - یہ چھنہ سوچن یکہ وٹہ گراموان میتھ الاو
گنڈتھ سؤر گتھہ، یہ چھ روٹس سوت سوت وشنیر دتھ زند تھاوان - یہ چھنہ
سانی متضاد Impulses اکھ اُکس ستر ٹھاسناوان، بلکہ یکن
Synaestherise کران - امیک کلہم تاثر چھنہ تخر ہی، یہ چھ
تعمیری - ہر جلیہ چھ باسان زنتہ راہی یس تہ ونہ نس منز چھ، مجبوری یہ سہ
ونان چھ - توے چھ اکھ غرض تہ بے حرکتہ خابن ہند عالم اُچھن بڑ وٹہ کن
یوان تھن شعرن منز چھ ہند رہند کھر وکھ کنن گتھان -

زمین چائی ژوژو آسمان چون تآبیا
تگی ہے ژئے ہمتچ نظر پھانپھ لاؤنی
وڈر پٹھ اگر راتھ لُج توتہ کنیاہ گو
پگاہ کاروانس چھ گلزار چھاؤنی

زبانی پٹھ قدرتھ حاصل کر دتھے چھ کاٹھہ شاعر موضوع ستر انصاف
ہبکان کر تھ - مگر عام ترقی پسند شاعر چھنہ یہ زیادہ ضروری باسان - راہی
صائف نظم پیڑاہ حسین چھ تڑے چھ ہنر غزل تہ - دوں گو وغزل ہنر چھ
نظم نسبت زیادہ آزاد نظر ہونش - سرتاز پیکر، سادہ روار تشبیہ تہ نبرل لفظ

سلوٰنی۔ یم چھ تہنزن غزلن کیونظمن ہند روح۔ تہند اسلوب چھ کاشرس منز
سُرکین نو، تہ راہی صائبن انفرادی اسلوب۔ راہی صائبن ازیگ
بدون تہ منفرد اسلوب چھ گوڈنکی اسلوبک نووروپ۔ پتہ ہیکو وئتھ ز
”نوروز صباچہ“ شاعری ہند اسلوب اوس ازی کہ اسلوبک تجربہ۔ یودوے
یہنزن شاعری ہند مزاز تہ پٹھہ کلہم بدلیووتہ لفظن ہند کی معنی بدلہ چھ وونی
لفظن ہند کی کھٹتھ معنی زیادہ اہم، مگر بنیادی خصوصیت بدلیس نہ۔

یہ اوس ترقی پسند راہی، تیمی کاشر نظمہ کو غزلہ منز کینہہ تجربہ کرکے، یم
ازی چہ شاعری منز بنیاد بنے یہ۔ کاشر بلیک درس یودوے کاشرس منز نادم
صائبن اولن مگر اتھ و ستھ و ہراوونک تہ یہ رنگا رنگ موضوعن باوڑ ہند کامیاب
و سپلہ بناونک یز تھ چھ راہی صائبے گڑھان۔ عام پاٹھک چھ ونہ یوان ز
راہی چھ غزلہ ہند شاعر۔ مگر میانن نظرن منز چھ تھہ پاٹھک راہی صائب
ترقی پسند درس منز تہ نظمہ کیونظمن ہند مالک اوسمت ہتھ پاٹھک از چھ۔

ترقی پسند درس منز تہ چھنہ راہی صائبن سورے ذہن انقلاب کس
ٹکلس گنڈتھ اوسمت۔ تہند بن موضوعن منز اُس تیلہ تہ رنگا رنگی، تنو چھ
تھنن موضوعن پٹھہ لیو کھمت یمن ہنزا اہمیتھ پڑتھ دورس منز انسان ہند
خاطر ہش چھ، حسن، عشق، ذات، وجود، حقیقت، خاب، مرن تہ زمین۔ یم
تہ تھک ہوک موضوع چھ پڑتھ زمانس منز شاعرن لکھنہ خاطر و تش ووان
آہتر۔ وون گو approach بدن چھ فطری اصول۔

عبدالرحمان آزاد

بیٹھ بہ زان

غلام نبی آتش

۱۹۶۵ء منز اوسس بہ شراہ و ہر۔ مڈل سکولس منز پرنبہ کلبن دوہن
منز لے اوسس لے گنگراوہی ہینڈل۔ کڑیرچہ ننبہ مونڈجہ ہینڈل پاٹھو اوسس پٹن
گام بوڈ دنیا باسان۔ امہ نیر اوسس نہ کائسہ تاں پلو۔ توتہ اوسس اتھ شری
لاز منز یشہان زیہ کینزہاٹ گوزمڈ گوزلیکھان چھس تنہ گوزمڈ گوزمڈ داوینہ ول
بوزن وولہ۔ مگروارہ وار گوم احساس ز اتھ اولرس تھو لرس کلاس، یس پتہ
سورے ضایہ گوڈ، دیاوہا کائسہ ووستادس اتھ نظر۔ ۱۹۶۶ء منز لوگس تعلیمہ
ہینڈس محکمس منز ٹیچر، بڑنگ پرگنہ اوسس دوردراز پہاڑی گامس منز بیٹھ
پوروونان چھ، لچم ڈیوٹی۔ اتھ علاقس منز اوسس سروانند کول پریمی سندا وواس
تام ووتمت، میتہ گوڈکنن ز پریمی چھ ز برشاعر۔ سہ اوس صوف گامس منز
روزان تہ ہائی سکول کوکرناگس منز اوسس ٹیچر۔ بہ گوس اوسس سمکھنہ، تکر کورم
ولہ ولہ۔ ملاقاتن ہینڈ تہ خط و کتابتک سلسلہ روڈون ویرین جاری۔
مشورہ تہ ورتنم تہ ابتدائی کلاس کورنم اصطلاح تہ۔ ۱۹۶۸ء کس
سورونس ہر د کالس منز وچھ نئے پریمی جیس نش اکھ شعر مجموعہ، ناو
اوس ”کرہینہ مازکھنہ“ تکر وونم بہ چھ عبدالرحمان آزادنی کتاب تہ کتہ
زانہ ہن سہ چھ بے مثال شاعر۔ وین کڈم وڈھ، آزاد صابس لیو کھم پوسٹ

کارڈ زیہ شعر مجموعہ سوزی توں۔ تموسوز کینڑن دہن منڑ۔ پھر پھر پرم سو
 شاعری۔ یو ہے اوس وق ییلہ اُس اکھ اُکس واریاہ نکھ آے۔ خط و کتابت
 روز سپدان۔ آزاد صاب رڈم مشور دوان، کلامس اصلاح گرتھ حوصلہ
 افزائی کران، لول تہ شفقت بران۔ تمو کو ر س ریڈ یو کشمیر سرینگر منڑ
 پروڈیوسر تہ سرینگر پٹھ نیرن والبن کینڑن اخبارن ہند ہن ایڈیٹر ستر
 تہ متعارف۔ بہ چھس از تہ حاران ز آزاد صاب ستر یم تعلقات مے اُس
 تمن کس ناو دم، ووستادس تہ شاگرد ہند تعلقات ہاکنہ دون مخلص شخص
 ہند یارانہ، کنہ اُکس ز چھس ہم عصر شاعر تہ ادیب ستر کینڑن تہ
 ناتجربہ کار لکھارس پٹھ شفقت!

مے اوس نہ آزاد صاب وچھمٹ، اوتام اوس خط و کتابتکے یوت سلسلہ
 جاری۔ اکہ دوہہ سوزم تمن پوسٹ کارڈ۔ تھ منڑ لیو کھم زبہ یم ہا قول تھند
 گر تھندس ملاقاتس۔ امہ بروہہ اوس تمو اُکس خطس منڑ لیو کھمٹ زبہ
 چھس نہ سرکار رخ نوکری کران بلکہ کاروبار۔ پنہ نس پوسٹ کارڈس منڑ
 اُس مے پیہہ انچ کتھ چمڑ۔ امہ پوسٹ کارڈ کس جوابس منڑ یوسہ چٹھک تمو
 مے سوز، سو چھہ پینن قارپن ہنڑ دلچسپی باپتہ تہ رکارڈ پڑھو پیش یوان
 کرنہ۔ امہ کھوتہ کیاہ ہیکہ تھند خلوصک ثبوت اُستہ۔

قویلہ پٹھ

۲۹ نومبر ۱۹۶۹ء

یڈ منڑ ہیلو آتش صاب

السلام علیکم

راتھ شامس و نوئم تہند مرھیل تہ مایہ بورت خط۔ دندس تل
چھم اونج زونیکام کیا زہیو کم نہ شکر یہ تہ لیکھتھ۔ ملہ تلہ چھ پزریہ زبہ
چھس نہ ونہ پنن پان لیکھن والہن ستر گنرتھ ہرکان۔ یہ چھ توہہ تہ توہہ
ہوہن پیہ کینہہ آدر رویہ بز رگن ہنز بزرگی تہ مہربانی ہند پھل زبہ تہ چھس
یتھ کھلہ ڈلہ مادانس منز کھوش ہوان کڈی تہ لوے نوے ہوان
کرن۔ تہند خط پرتھ چھم کینہہ و تھک پوٹھک خیال شعرن ہند رویہ روخہ
واڈی مٹر۔ ردیف تہ قافیہ وراے چھکھ ناجی صابنہ شعراک سے وزن، یس
توہہ پنہ نس خطس اندر حوالہ چھو دیتمت پنا

چاڈی زولانہ ٹاٹھک چھم ورنہ

نو کری کیا چھے کاروبارس نش

مے چھنہ پنہ بن موٹہن دروٹہن لفظن اندر گنڈی متہن خیال منز کنہ تہ
قسمکو زاوڑ جار اُزراوڑ مٹر بلکہ حق چھہ یہ زپنہ کھرک لد زندگی ہنز پوت
ژھایہ تل چھم تہند خطک جواب لیکھہ پنچ کوشش کر مڑ۔ تکیا ز گزاوچھہ
واڈی مڑ۔ خار، یتھ قومس پٹھ چھس بہ تہند اکہ ارشادک نثر ہے اندر
جواب دیں جاد بہتر زانان۔ سہ گوویہ ز توہہ چھوے ہوس ناچہز نش
پنگ اراد تھاوان۔

حضرت، بہ چھس پریتھ وز، پریتھ گر، دیوز تہ گر گر تہزن وتن اچھ
وتھراونہ موکھ تیار۔ شوکر دی توپنہ فرصتک دوہہ مقرر۔ مے چھہ پریتھ وز

چھٹی تہ پریتھ زیوہ آور، تکیا زعرض چھم کو رمت ۔

پریتھ زہس بریڈ پریتھ دوہس موکہ جار

زگ تہ پزون ہش کتھا بیکارس نش

اوہ! اکھ کتھ گیم مشٹھ، بیلہ زانہہ یورکن پڈر ٹلو، مے گڑھ بروئہہ پہن
خط لیکھن۔ پنہ غالبہ سٹز باش گڑھم

ہے خبر گرم ان کے آنے کی آج ہی گھر میں بوریا نہ ہوا

بہر حال، تھو چھو پانہ گاٹلو۔ نیس منز چھپیو مت تھند فوٹو، چھ تمی گراہ

تراہ لبہ یوان (بشرطیکہ سہ آسہ تھندے)۔ گوڈو فی زوپنہ بن شرہن باژن

مینا تہ مینا بن شرہن باژن ہند طرفہ ہول گندتھ سلا ماہ۔ امہ پتہ یوزر تو

پنہ خط کس جوابس منز کینہ موزون اخرات۔ وومید چھم تم پرتھ لگہ نہ توہہ

ولس گراے ہش:-

کارڈ سوزتھ، رٹم، پورم، خوش گوس

کائہ نش کر مے زانہہ یہ توقع اوس

جان گڑھ ہے اگر نہ پڑتھ بکھ حال

میون پڑتھ کائہہ ویدا کہ چھنہ متہ موس

بار کینہہ باسہ ہم نہ خط لیکھن

گوڑھنہ لوگ گوب گڑھن برتھ چھم بوس

قاشہ جگرچہ۔ وندتھ دژم سمہ یس

کائہہ د وینم نہ و دلہ کرو سمہ ووس

کائنہ ہنر بج نظر چھے تکر پوان
 کائنہ ہندک مائز نم چھ والان پوس
 یار ووندھس امے چھنے باور
 میانہ یارِ دوہے چھ آمت کوس
 میانی تھر کھنڈ چھے ویز خدایس تام
 زائہ تہ مونگس نہ کیشہہ بجز اکھ دوس
 یار یزہے ژے ییلہ تہ دل ونہی
 وار، تارخ کیا پڑژھنے اوس
 کھوپر ہنر کیاہ چھے کتھ ووندک مڑم
 داربر، وٹھر چھ و ولہ مہ تھوہمسوس
 پڑھ چھے آزاد ہنر بدل کتھ پٹھ
 (دوست باید کہ آں ندارد دوست)
 لالہ ہند براہ پٹھ چھ پھران کھوس

تہند بوے

عبدالرحمان آزاد

آزاد صائبن بیا کھ خط چھ پیش، یس ہیر کنہ درج چھ پتہ و ہر لیکھنہ
 آمت چھ تہ اکھ مخلص تہ شفیق و استاد چھ ژاٹس رتی مشور دوان:

قولیلہ پٹھ

۳۰ دسمبر ۱۹۷۰ء

چھٹی تہ پریتھ نہیوہ آور، تکیا زعرض چھم کورمٹ ے

پریتھ نہیوہ بریڈ پریتھ دوہس موکے جار

زگ تہ پڑون ہش کتھا بیکارس نش

اوہ! اکھ کتھ گیم مشٹھ، ییلہ زانہہ یورگن پڈر تلو، مے گڑھ بروہہہ پہن
خط لیکھن۔ پنے غالبہ ستر باش گڑھم

ہے خبر گرم ان کے آنے کی آج ہی گھر میں بوریا نہ ہوا

بہر حال، تہو چھو پانہ گاٹلر۔ نیس منز چھپیو مت تھند فوٹو، چھ تہی گراہ

ترایہ لبہ یوان (بشرطیکہ سہ آسہ تھند ے)۔ گوڈوئی زوپنہ نین شر بن باژن

مینا تہ مینا نین شر بن باژن ہند طرفہ ہول گندتھ سلا ماہ۔ امہ پتہ بوزر تو

پنے خطہ کس جوابس منز کینہہ موزون اخرات۔ وومید چھم تم پرتھ لگہ نہ توہہ

ولس گراے ہش:-

کارڑ سوڑتھ، روٹم، پورم، خوش گوس

کائسہ نش کر مے زانہہ یہ توقع اوس

جان گڑھ ہے اگر نہ پڑتھ بکھ حال

میون پڑتھ کائہہ ویدا کھ چھنہ متہ موس

بار کینہہ باسہ ہم نہ خط لیکھن

گوڑھنہ لوگ گوب گڑھنہ برتھ چھم بوس

قاشہ جگر چہ۔ وندتھ دژم سمہ یس

کائسہ د وپنم نہ و ولہ کرو سمہ ووس

کائنہ ہنر ہج نظر چھے تکر پہوان
 کائنہ ہندر مائز نم چھ والان پوس
 یار ووندھس امائے جھنہ باور
 میانہ یارِ دوہے چھ آمت کوس
 میانی تھر کھنڈ چھے ویز خدایس تام
 زائہ تہ مونکس نہ کیشہہ بجز اکھ دوس
 یار یزہے ژے ییلہ تہ دل ونہی
 وار، تارخ کیاز پرژھنے اوس
 کھوپر ہنر کیاہ چھے کتھ ووندکر مژرم
 داربر، وٹھر چھ و ولہ مہ تھوہمسوس
 پڑھ چھے آزاد ستر بدل کتھ پٹھ
 (دوست باید کہ آں ندارد دوست)
 لالہ ہند براند پٹھ چھ پھران کھوس

تہند بوے

عبدالرحمان آزاد

آزاد صائبن بیا کہ خط چھ پیش، یس ہیر کنہ درج چٹھ پتہ و ہر لیکھنہ
 آمت چھ تہ اکھ مخلص تہ شفیق و استاد چھ ژاٹس رتی مشورہ دوان:

قولیہ پٹھ

۳۰ دسمبر ۱۹۷۰ء

ٹاٹھ آتش صابہ

السلام علیکم

وُنی وُنی کھوٹس شہر۔ چاڑی نظم و چھم۔ چانہ بہمارِ نسبت پورم لور ژنڈ
 زن آیم۔ خدا بخشِ نو شفا۔ بہ دڑاس پانہ تہ از الہ پلہ داہہ دوتہر ولہ تکہ تہ
 وُنی جھس زنگانی۔ خار، میاڑی چھہ ہشی کتھا۔ مے واڑو مرا تھتھے پاٹھی۔
 ونہ سہ پُنن رحم کر تہ سو گہہ بیا کھ کتھ۔ چون افسانہ ”پوت کھورے“
 پورم۔ میون مشور چھہ لی زڑ ہبلکھ افسانو کھوتہ شعر و شاعری منزے جاد
 ترقی کرتھ۔ افسانچ ٹیکنک چھہ اکھ تہ شاعری ہنز چھہ بیا کھ۔ یو دوی
 تہ پڑی پاٹھی افسانہ لیکھنہ نگ شوق چھہ، تیلہ پڑی امہ کبن لو ازامان ہند
 پور علم حاصل کرن تہ تمہ پتہ اتھ کامہ دس تلن۔ توہہ چھہ میا نِس خیالس
 منز اکھ بڈ غلطی کر مرز ز پنے نظمہ ”دول منہ ناوتھ“ لفظ ژوٹمت۔ ”دول منہ
 ناؤن“ گو دامن رٹھ یازار پار کرتھ وُسن۔ خار، وونی یہ توہہ کو رمت چھہ
 تہ گوٹھکھے۔ رسول پونیرک یا ناظرن یہ کینزہ ہالیو کھمت چھہ تہ چھہ تمو ورگہ
 مے کن وٹمت۔ یمہ چھہ لو کچہ کتھ۔ ادبی ماڈالس منز چھہ اکہ کھوتہ بڈر
 واقعہ سپدان۔ اُسر چھہ وونی اکھ ”رائٹرس کو اپریٹو یونین“ بناونگ ستر کران،
 یوسہ نوہن تہ بے وُسلہ لیکھن والین مائی مدد کر۔ بہ سمکھو وُجلہ ے۔
 پیارے ہتاشس وُنی زیو سلام۔

عبدالرحمن آزاد

قویل پلووم

امہ پتہ روڈ اُس ہتھے سمکھان، بعضے ادبی مجلسن منز تہ بعضے مشاعرن منز۔ مے وچھ سہ اکھ مخلص تہ ووند ووتھ انسان۔ زبردس مہمان نواز مگر جگر دؤر تہ نہ کھوژن وول۔ سہ اوس پنہ نس موقفس پٹھ ڈتھ روزان۔ مے چھے تمس جنتی یس ستر واریاہ راز مشہور ایڈ وکیٹ غلام نبی ہاگرو سندر گر سرنل اسلام آباد گدار مہ۔ تم اُس زری تام سیاسی تہ سماجی معاملن متعلق بحث کران۔ ہتھ دوران آزاد اعتماد سان گریزان اوس۔ علمی، ادبی، سیاسی، سماجی تہ مذہبی معاملن متعلق بحث کرنہ ستر اوس سہ لطف تہ اطمینان و سکون حاصل کران۔ بعض اوقات اوس تشد طرز گفتگو جا رحانہ آسان۔ مے چھ سہ گنہ تہ موضوعس پٹھ بحث کران وچھمت۔ مشاعرن پٹھ اوس پنہ معیار کی تہ خوبصورت کلامہ ستر حاوی سپدان۔ مشاعرن منز اوس تشد مزاحیہ تہ طنزیہ کلام زبردس پسند کرنہ یوان۔ تمس اوس انقلابی طبیعت۔ یو دوی دانیسہ ہندس زیاد و قفس دوران صحت ناساز رو دس مگر وجاہتس تہ شان وشوکتس آلیس نہ اُخرس تام کیشہ فرق۔

آزاد صاب اوس پنہ پاٹھو اردو زبان تہ زانان۔ اتھ زبانی منز تہ اوس لیکھان تہ کاشتر زبانی منز تہ۔ سہ اوس نثر نگار، شاعر تہ صحافی۔ ہندس ادارتس منز اوس کینون ویرین اکھ بے باک ہفتہ وار اردو اخبار ”سرچشمہ حیات“ شایع سپدان، تیمکو کیشہ خاص نمبر تہ دزایلیہ۔ عامر عثمانی ہندس اُکس سولس جواب دوان دوان لچھ آزادان ”پیتم پوتا، جایز وارث“ عنوانہ اکھ پور کتاب۔ تہندک ترے کاشتر شعر مجموعہ اُس شایع

سپدی مٹر، شبِ برات، کڑ پینہ ماز کھنچہ تہ انہار۔ ”انہار“ شعر مجموعس میول کلچرل اکاڈمی ہند بیسٹ بک ایوارڈ تہ۔ آزادس چھ کائٹرس ادبس منز بیا کھ امتیاز تہ حاصل زگر تل مکتوب نگاری ہند بہ حیثیت صنف دس۔ ”غبار“ چھ تہند بن مکتوبن ہند باڈو دار مجموعہ، یس ۱۹۹۲ء منز شائع سپد تہ کلچرل اکاڈمی ہند ایوارڈ تہ تو رس۔ امہ علاؤ اوس سہ اکھ جان ادبی نقاد تہ۔ وہمہ صدی عیسوی ہندس ستر مس دہلس منز کور ”خدمت“ اخبارن کائٹرن طرجی مشاعرن ہند اکھ سلسلہ شروع۔ کینہہ طرح اُسریم:

۱۔ بے وفا بے گنہ لاگان آدنگ جانانہ میون

(عبدالاحد آزاد)

۲۔ ہو رمت ماچھ اُمر ہشیارن دل

(عبدالاحد آزاد)

۳۔ تار کن ناوتھوان، زونہ رٹان راتھ گیم

(امین کمال)

۴۔ کیا سناپیہ ناسہ دلبر روے زیبا ہونا

(غلام نبی گوہر)

واریاہ شاعر اُسریمین مشاعرن منز حصہ نوان، اکھتے سپدی اتھ اخبارس منز کینہہ موضوعی مشاعر تہ شائع مثالے نووشپن، نووؤری وغار۔ عبدالرحمان آزادن لیکھی بیوطرجی مشاعر و منز کینہون متعلق جان تنقیدی جائیز، یم ہمیشہ باپتھ رڑھراؤنی لایق چھ۔ زانہہ کالر ہے تہند بن کائٹرن مضمونن ہنز

سومبرن شالچ سپد، تھ منز گڑھن ضر و ریم تنقیدی جائیزہ شامل سپد فی۔ یمو
تنقیدی جائیز و تمل تمہ زمانہ جاندار بخشش دس، تھ منز پتا مبر ناتھ درفانی،
غلام نبی ناظر، سید رسول پونیر تہ قاسم سجاد بیتر شریک سپد۔ آزادس آو
اعتراض کرنہ ز توہہ چھو غلام نبی آتش تہ کلثوم بانو ہندس غزلس تھر کھا جھڑ۔
اما پوز آزاد و دینہ نہ رایہ پٹھ ڈٹھ، توہ لیو کھ غلام نبی ناظرن، سید رسول
پونیر ہندس غزلس پٹھ کتھ کران ز ”پونیر چھ ہتہ نار دڑ امت تہ آتش چھ
بہر صورت بھوکس تائیا“ (خدمت ۲۰ دسمبر ۱۹۷۰ء)۔

پزر چھ یہ ز آزاد صائبہ بسیار پاسل شخصتیکو مختلف پاس چھنہ و نہ
تھر راو نے آمت۔ سہ خوش پوش، بارعب مگر مخلص انسان اوس پڑ تھ کائسہ
ہند رت کا نچھان۔ تہند بیمہ عالمہ گڑھنہ پتہ تہ خبر کینا ز آوتس ستر روگ
و چھنہ۔ نہ آس بہ حیثیت صحافی مول تمل کرنہ تہ نہ سپز تہنر شاعری ہنر مولا
آنکون، تہند بن مکتو باتن تہ کور نہ کائسہ تجزیہ۔ تہند واریاہ ز ٹھو کائسہ کالہ
باج چھ حیات مگر تس متلق چھنہ لیکھان۔ جانے گو و اگر تہند بن لایق
فرزندن ”شہر بین“ اخبار کھنہ صی آزاد نمبر کڈنگ ظون گو و، بنان چھ ادبی
تہ صحافی حلقن گڑھ آزادس گن توجہ تہ بیہ بیلہ و فی تہند کائسہ کلامک کلیات
تہ دیاب چھ، یس ڈاکٹر نذیر آزادن ترتیب دہشت چھ تہ کلچرل اکاڈمی
شالچ چھ کورمت۔

شیر لاگو گولاب آزادس تابدا مانہ پکھتہ و تھ چھ پکان
(عبدالاحد آزاد)

پریم ناتھ شادہ ہجرتی شاعری

شاہباز راجپوت

”دوہ پتہ دوہہ کر انسان ڈرکیاف ز اسہ پیہ شاعری گن پھیرن۔
 زیہ کر اسہ زندگی ہنز وضاحتھ۔ یہ دیہ اسہ سکون، یہ تھا واسہ زندہ۔ شاعری
 ور اے باسہ سون سائنس نامکمل۔ وڈی کین یہ کینزھا اسہ مذہبہ تہ فلسفہ
 رنگو موجو دچھ تمہ کہ بیشتر صحیح جاے رٹہ شاعری۔“

(میتھو آرنالڈ ”انہار“ 1982ء صفحہ 166)

یہ اقتباس دینچ راے گنیم امہ سبہ ز ازی کس بے رحم صارکی فی معاشرے
 منز چھ انسانہ سٹند وبقار صرف دولت پرستی تہ شایداک نفسیاتن داوس لوگمت۔
 عالماوبرک (Globalisation) خوشما نعر دتھ یوسہ خون ریزی،
 رہرنی، تھیل ہوئس تہ بوروڈک بگ بینگ Big bang بے اصول تہ
 انسان دشمن سیاست بٹلہ پٹھ کراں چھ سو چھ عبرتناک۔ یم چھ دید مان
 کتھ۔ کمین خوشما فرپین در پرد چھ بستی یہ و جارنہ یوان۔ گنہ قومک

اقتصادی، تہذیبی تہ تمدنی ارزتھ لؤٹنہ یوان تہ تمّن ذلیل کرنہ یوان۔ زیادہ
 بگرام ہو اُی اڈس پٹھ جارح امریکی فوجک قرآن شریف زالن، عراقی
 لاش تہ افغان لاش پٹھ دنیا بکس فوجدار امریکہ ہکو فوجی ادرار (Urinate)
 کران۔ اما اتہ نس چھنا آرنا لڈ سٹنہ یہ گف پوز بہر حال مارکیز نہ
 (Markeez) ونہ چھ ادب تہ شاعری انسانی اوصافن ہندس معاشرس
 لابدی۔

ملجہ کشیر کوسہ ونن گئیہ۔ کم تو اُرتخی گایلات سپدی تمّن پھیر دین
 چھنہ ضروری یوسف نکس کس فریب دیٹ اکبر بادشہن۔ تنہ پٹھ از تام
 گدرنہ ستر سپد کلہم نفسیاتی پوت منظر Collective psych زن تہ
 چھو کہ داؤد۔ کشیر ہنز امتیازی تہ عارفانہ تنوظر واجین وراثتہ گئیہ ہلیہ تہ
 ضایہ امہ کئے اکھ المیہ اوس پتر مین دون دہلبن ہندر تہ وساوب۔ تیج
 جو اُزیت، عدم جواز وضاحتہ تہ تاریخت تصدیقنہ چھنہ۔ اما پوز کشیر
 ہند بن فرزندن ہند اجتماعی ہجرت تہ اوس اکھ بوڈ انسانی المیہ۔ عالمی
 سیاستکو پا تھر چھ بوسنیا، عرق، افغانستان، فلسطین پیہ تہ کبیر اما پوز بقول ایاز
 نازکی اکے لرنز اکہ کٹھ نیرن تہ پیہ یس تہ پٹھ پاٹھک وانج واری بنن چھ
 بدؤن۔ اسباب کیاہ اُسر، اندریم نیرم کم اتھ اُسر تہ امہ ٹریجڈی ہند مقرر
 کرنہ اُمت مقصد کیاہ اوس ہکون نہ باوتھ نہ پیہ باونے زانہہ۔ البتہ سانہو
 ادہو، شاعرو تہ داؤد کو رورہ کرب محسوس۔ تہ حسب حال دژکھ اتھ زو۔
 بقول راہی صاب ”راہی ہوا چھ زانگہ جوسوس اُس وٹھ“ علیکس نہ وار،

کتھ باتھ کُری زکیا“

سون منہ شود۔ انسانِ ملو از رک طرفدار پریم ناتھ شاد صائب تر چھ بی
وچھتھ باوان :-

شاہتہ کوڈے ما کائسہ وچھتہ بیتہ بستی منز

یَس نہ خطا کا نہہ تس یلہ لوگھ ہتھکر کور

وے زانہ انانس کیا زچھ پننس گرس آنکس ستر مائے محبت۔ سہ کیا ز
چھ بین جاین وو پر ازل محسوس کران۔ تمس کیا ز دوہر دوہس و پھل جانا ور
سندرک پاٹھو پنہ نے اول تہ الی لٹنڈ یاد روزان۔ فرد سندرکس حدس تام چھ یہ
یوڈ بار سوال۔ اد نوپے کیا ہ سوٹچہ یا کر سہ گو سوال دیگر۔

شاد صاب چھ آتھ و پنجہ مایہ تہ مجتہس رنگہ رنگہ تنظر و باوان تہ اسہ
محسوناوان۔

دِزَم اَکھ پوت نظر تَلہ وِزِ ٹھکانس مے باسیو گوتلگھ پٹھ کُل جہانس

بستی لُستی دِ اَیہ تہ تَنّی تھئے تر و و پتاہ
پرنگرن منز راؤ ک تہ لوکن روو پتاہ

وُجھل جانا ورس ینیلہ اول راوان سہ میانی پاٹھھر موت دیوانہ باسان

خیال نہ ہندو محل سوکھ ساؤ بستی دن شوق شہر بس پیہ نہ کیشہ
یہ راون تیول جھنہ محض جلیہ پھیر گڑھنک ہمسوس یا کیشہ وسمتہ
راونک احساس۔ بلکہ چھ سون شاعر دأ نشورانہ تہ آگاہ موکل روز تہ اتہ

گدر نس۔ پُڑ تہذیب و تمدن نابود گزھنک دُسلابہ سحجان۔ اوے چھ اُمس
ہؤل ووتھان تہ سہ چھ سوزلیہ یہ بوزوتہ مرثیہ لیکھان تہ پُراں۔
پر پتھر اندر کتھ میراچ زائہہ پزٹھنے شاد
ژک ژا پکھ، اچھ ووزلا وکھ دگ وبرا وکھ کیا

شادا سو شوقہ بُستی واران و جاہ و چھتھا
راجت چھ راتہ موغلن دوہلی ونگاں چھ ہؤلی
شاد صائب چھ بقول فاروق نازکی کاثر زبانی ہند مخدوم محی الدین۔
امائے باسان ز یہ زاول تہ داول حکایتھ چھ فلسطینہ کہ حوالہ خلیل جبران
تہ باوان۔ تمس تہ چھ تنگو مارک مندر فطری منظر ولسنس انان۔ سہ تہ چھ
موصوم رتہ چھولن و چھان تہ باوان۔ تنھے پاٹھر چھ شاد صائب پنہ نمین
محسوساتن زو دوان۔ تئدیہ داول لفظت چھ امہ آیہ تاثیرل شبیہ کاری
زامہ کھوتہ کامیاب و اتاوبر ہیکہ نہ سوچنہ تھ۔ وچھتو۔ موتہ ژھاین تل
زؤن، صفا شپن ژہی، شبنم گل، اند جتگی سفر، سونزلی ژہی، حبسہ بل، ریہہ
چھ رقصان، زوال اچھن تھ، سوپنہ پھل، والین منزدہن گڈاری، سونزلی
رنگن مل پیون، گستاخ واو، نافری فصا، و پھلنی اچھر، آش دانہ، اوڈر سپنہ،
اچھن اہر پز تیلان۔ یے یوت نہ یکن شعرن منز کم یاد ووتہر چھ شاعر
حبیر انان سہ چھ پوت یاد کر، تم تمام منظر ذیہنہ کچہ و ہلا و تھ قاریس بروئہہ
کنہ پاروان۔ گوڈنیک شعر ”سہ حرفی صنعت۔“

شفق، شامل، شمع، شبنم، شبتان لکھ نو رشید و خاور تی گڑھی جان
 سحر سے، شام سے، رات گھٹن ہند نہ پھول گاشی نہ دگر شمع شبانے
 دفناؤ کمر کتب لاش از تالی نہ پے پتاہ رتہ پوے رتے یہ دواں، خاکس رتے یہ خاکہ
 چائی کز زن رنگ زھٹان بستی میانی کز زن دزان شہر سورے
 شوقہ چہر و شاد گری گری شار چائی سوڑ کس نذرانہ زھر تھ تھو کس
 مہ دیوس سران ہیو ہنا پڑا رو ونہ چھ پھراے امس رگن موڈو

کاٹھہ و زن بایکینو ہا حقیقت چھ پنے جلیہ پزیر کیداد و وان۔ ہم مذہب
 آسن تہ چھنے و جاگمتین دن براہ آسان۔ عالمی سو تھرس پٹھ از تہ یہ عجیب
 تفاوتھ۔ گر پرتھ یہ ہنران تہ چھ بیون۔ تم ویدک خار جی انہار تہ معروضی
 ارتباطیلہ نہ در پٹھ گڑھن۔ دیکھ و داسی چھ دم پٹھ کران۔ شاید چھ شاد
 تھ نے ژہن ہنہ یوان تہ بے پھڑوک پٹھ اظہار کران۔

خواب گنج اوسم رچھتھ رووم کتب کاٹھہ تہ سودا گوئے خرچووم کتب
 الاون یس گنی ژھٹھ تالہ کز کڈ تہندک کز زن دزان سورے جہاں اوس
 پردک موسم، وودرودہ، دین، سحر شام چھ نے سمیس تہ میزان دگ چھ تیزان
 ذر ذر افر شاد و توش میانس و طنس پوشی پوش

زمانک و لہ وریہ حالاتھ چھ کائناتک ازھویون حصہ۔ شاد صابس یہ
 تجربہ گو خبر تہ ماوس اہندے خاطر وکھتھ۔ زمانہ ساز تہ و طیر باز و آسن
 اتھ تہ ہار رچہ مڑ۔ دینا رومبر اود متری۔ لیکن ا کس در دل شاعر س تہ
 سیاست کارس چھ پیڑے فرق۔ ہہ چھ انسانی المیس پٹھ اوش ہاران۔

سیاست کار چھ اقتدار، دولہ، شوہر تھ اکے وکانہ نشہ حاصل کر بچہ ژویہ
کران۔ سون شاعر چھ رجائیت پسند تس چھنہ ناوومید۔ سہ چھنہ روادور زیہ
واقعہ گڑھ کاٹھہ تلگھ پٹھ کرنک بہانہ بنن۔ اوے چھ خبردار کران:-

دیکھتی ویکر کرڈ ژھایو تیرہ گوباین ژھبن

قبر وگور مرآور زندے دفن وپتا

سہ چھ غمہ نمبر دتھ بانسہ ڈنڈس پتہ لاگنگ بیان تے راون تیلو موکھ
کران زسہ چھ کاشر۔ کاشر چھ کاشرن انعام۔ تمس چھ کاشر زبان آسنی
عظمتھ ۔

زباں کاشر چھ شادس خوش نصیبی

نبرل آہنگ ادا مچھر کتھن منز

شاد صاب چھ رجائیت پسند اوے چھ تمام دا در للہ ناوہ باوجود آس

تھاوان ۔

نہ یم گپہ زلک نہ یم تڑپہ طوفان روزن

سہ دے بدلاو موسم چانہ باپتھ

توئے واتے روان چھم دل گواہی

تو تام موچھ منز رٹن دم چانہ باپتھ

یہ چھنہ شاد صابنہ شاعری ہند کلہم تعرف۔ نے کر محض تھبن کلاسن تہ

شعرن وکھنے یم ہجرتی ادب منز شعر و (Poetry in exile) رنگو محسوس

سپرد۔

تہند سادہ شیرین شعر ول چھ منفرد۔ مڈرتہ میٹھ آواز۔ ربوڈ کرن
 ول تلیہ تر اوچھ تمین مشاعرن منز آفرپنے ہلمس تر اوان۔ خدا بوزن ز شاد
 صائبن ارمان پورن۔ تمین گڑھن تم خواب و لکی خوش تعبیر یم تمو
 توتے واتے دوان چھم دل گواہی
 تو تام موچھ منز رن دم چانہ باپتھ لفظن منز وچھ۔



آغا شاہد علی

کشیہ ہندو کھی در انگریز شاعر
محمد شفیع خان

آغا شاہد علی بیلہ تہ میہ یاد پوان چھ، میہ چھ سہ تہیوہ اکثر پوان یاد
بیلہ تہ پنی گوڈنچ شاد سو مبرن "اڈ اٹھ ہمالیہ" راجباغ سرینگر پینہ گرمیہ عنایت
کر۔ اتھ لیکھ تہ میانہ ناو کینہہ لفظ امہ و ز سرور قس پٹھ، یمن ہند کا شتر ترجمہ
ہیکہ جتھ کنز استھ "شفیع صابنہ خاطر تہی سہ شائری ہند عشق چھ تہس اکھ
پز یور انسان کنفرم کران بہ چھس خوش کہ میہ کوریہ وق تہ فاصلہ کہو خلیجو
آر پارڈرک یافت، وئن چھنہ یہ کہ بہ کوتاہ پز یور تہ رت انسان چھس۔ بلکہ
فارسی شائری عرفی سہد یہ مصر پتہس عاصی وجودس پٹھ منطبق کرتھ۔
اؤنقد آمرزش بکف من جرم عصیاں در بغل

وئن چھ یہ کہ یہو لفظو تلم چھ ننان کہ آغا شاہد علیس کیاہ اوس شائری
ہند تصویر تہ سہ کمہ آنہ آسہ ہے شاعری کن رجوع کران۔ تہ یوس انگریز

فریز (Phrase) استعمال کر مڑ چھے سو چھے۔ True human being تہند خیالہ چھ شائری ہند عشق تس انالس آسان تہ سندا اظہار پنس روحس تہ دس ستی رتھ تہ ملتھ چھ آسان۔ یعنی سہ اکھ انسان یس پُر خلوص آسہ تہ نقل نہ کینہہ بلکہ اصل۔ یعنی پُر یور تہ پُرس، ستی عشق کرن ول۔ پُر چھ تہی ز پُر شاعری چھے ہمیشہ پُر کا کچھان۔ یہ چھ سہ اُنہہ آسان تھ منز انالس پُن بُتھ وچھن چھ خوش یوان۔ شاعری چھ دلچ کتھ باوان تہ دلہ کی دادر لہ ناوان۔ ”اڈ اٹھ ہمالیہ“ اوس شاہد سٹز شاعری ہند آغاز۔ امہ پتہ بیمہ شاد سوبر تہ شایع کر تہ کینہہ تہ سندا مرنہ پتہ شایع کرنہ آہ۔ کلہم سرمایہ گوؤ موختصر مگر مولل چھ تمس اکھ بہلہ پایہ شاعر سندا مقام دنہ خاطر کافی۔ یہ کاشتر زاد دلہ ۱۹۴۹ء منز۔ سرینگر تہ دلہ منز تالہم حاصل کرتھ گوؤ یہ امریکہ تہ تہ اعلا تعلیم حاصل کرتھ پر ناوان تہ شاعری کران کران شتر پپو امے ملکہ چہ میڑ ۲۰۰۱ء منز۔ اتھ ملکس منز لستھ بستھ کرتھ انگریز زبانی منز شاعری پننن خیالن تہ جذبن ہند خاطر بطور اکھ وصیلہ اختیار۔ سہ چھ پننس شاعرانہ اظہارس منز پالس اکھ Triple exile گنزاوان۔ یہ پُرسوز تہ پُردرد جلا وطنی چھ تہ سندا مالوس یعنی کشر پٹھ شروع گڑھتھ کشر ہندس لوس، تھ تمدنی رپنی یمینگ راجہ باغہ تہند لوکٹ موکٹ گر اکھ رت تہ اوئل استعار اوس، تہ پتہ پُن وجوداً کس دو پرتھنس منز ضم کرتھ تس جلا وطنی ہند اکھ سہ شدید تہ غمناک احساس و تلوو تہنکو صدا تہ ندا تہ سٹز شاعری بنیہ۔ امریکہ کس دا نشورانہ

فضہس منز ۵۲ ہن وری ن پٹھ مشتمل پنہ زندگی ہندی قمتی تخلیق کو ۲۰، پنہ ۲۵۰
 وری گز ا رتھ چھ کمال یہ کہ تس رووہ اتھ تخلیقی سفرس منز مشرقک پوت منظر
 انگریز لیس تہ امریکہ ہس منز شاعری کران کران چھ کلہم تاثر یہ زسہ چھ مشرقی
 تہ مشرق چہ شاعری ہند حسن، تاثر، جذبہ تہ دردمندی جلیہ جلیہ تس جذب
 و تش دوان۔ اے مشرقی لولہ کہ حوالہ کو رنکو انگریز لیس منز غزل لیکھنگ تہ
 ابتدا۔ مطلب چھنہ یہ کہ سہ کیا اوس امہ قسمہ چہ حد بندی منز قادتہ بس اوس
 اے حوالہ اکھ لوہہ و ن دس تچھ کرن دول ناسٹالوجیا پیش کران۔ بدگچک
 شاعر چھ تھہ و ڈو کرن دول اکھ جانا وار آسان۔ تس چھ سورے عالمی منظر
 نامہ بشمول پراچین تہذیب ہند پھہلا و تہ بحر صاف تہ شوڈیا ٹھو نظرن بروہہ
 کنہ آسان۔ سہ چھ سارے عالم انسانیتک میراث آسان۔ شاہد سٹز
 شاعری چھ اکھ عالمی وزن بہتہ زلیت لبان۔ تمس چھ کشیر ستر ستر سا براشتیا،
 فلسطین، بوسنیاتہ سارایویو تہ یاد پوان۔ یمن جاین یس خون آدم از زان آو
 بناوہ تھہ تہ چھ سہ پنہ شاعری ہندی موضوع بناوان۔ سہ چھنہ کشیر ہندے
 یوت بلکہ عالمی درد غمک شاعر۔ نگر ہندی بیم لفظ کا تیاہ معنی خیز چھ:

Are you carrying anything that could be
 dangerous for the other passengers?

O just my heart first terrorist

تسٹز شاعری ہنز آفاقیت چھ امہ باوجود دربر کہ سہ چھ بسا اوقات
 اسطور، ریاویت، علامتہ تہ تو ا رتنی حوالہ مشرق چہ علمی تہ ثقافتی دفتر منز

ژاران تہ یمن ہند استعمال چھہ سہ سبٹھاہ فنکارانہ اندازس منز کران۔
 شارت تہ شاعرانہ اظہار چھہ دلس سنہ ون بنان سہ چھہ اکثر پینہ نظمہ
 معروف عالمی شاعران ہند گنہ موقصر بیانہ ستر شروع کران۔ نظم ”نصف
 شبہ وچم کشر دلہ پٹھہ“ چھہ سہ ولیم بٹلر سٹیس سنز ونوموژھو چوگر معنی خیر سطر و
 ستر شروع کران ”از تہ بروئہ گن / ییلہ تہ سبز ارولہ ییہ / ہولناک حسن
 زمنہ / (ترجمہ شفیع شوق)۔ کینہہ نظمہ چھہ تکر قرآن شریف کہ گنہ آیت ستر
 شروع کرہ۔ ڈاکخانہ ورآے ملک سارے شاعر کتاب چھہ نیمہ آیت ستر
 بطور سرنامہ شروع کرنہ آمہ۔ اقتربت الساعۃ وانشق القمر ہ۔

امہ قرآنی آیت ستر چھہ سہ سارے بربریت تہ ہولنا کی ذہنس منز
 ووتلان سیمیک شاعرانہ اظہار یہ کتاب چھہ۔ خود کا شر زبانی ہند کہ کینہہ
 شاعر چھہ بیوتھہ رتہ داؤد، نارونار، پیرہن عصمت تارتار کشر زیو دژہ آمہ
 یوسہ ۱۹۹۰ء پٹھہ ونس تام پنن زخمی تہ لیتہ مونجہ گو مت وجود ہتھ بار و دووان
 چھہ۔ پرز چھہ یہ ز پر تہ شاعری میل کرن چھہ واریاہ مشکل۔ امہ خاطر
 یوسہ دیوانگی آسن گڑھ سو پڑاؤنی چھہ خون جگر طلب کران۔

مجھ کو شاعر نہ کہو میر، کہ صاحب میں نے

درد و غم کتنے کئے جمع تو دیوان کیا

آغا شاہد علی آو کشر منز پرز ناوہ ییلہ تکر شاعر سومبرن ”ڈاکخانہ ورآے
 ملک“ ناوچ کتاب امریکہس منز گوڈ شائع کر۔ ”ڈاکخانہ ورآے ملک“
 سہز ۱۹۹۷ء منز شائع تہ امہ بروئہہ اس تکر اکھ پور شاعر سومبرن ۱۹۹۱ء منز

امریکہ موضوع بناؤ تھ شائع کر مڑ۔۔۔ تھ انگریزی ٹائٹل اوس۔

A nostalgic's map of America چہن نظم منز

چھ جلیہ جلیہ امریکہ کو شہر نظر ن تل یوان۔ جدید امریکی تہذیبک نظر ن حاران
کرن وول وڈیو ت تہ امیگ سز ون ووگن، اوقیانوس کہ مشرقی ساحلہ پٹھ
بحرالکابل کس مغربی سمندری ساحل تانی چھ سہ امریکہ خیالی تصویر ن منز
در پٹھ گڑھان یس زن او چھ آسہ۔ تھ پٹھ پز یقین ہیکو کرتھ۔ مون سون
بارشہ منز تکس گن واپسی تہ چلی پوت آئینہ کس عکسی منظر نامس منز چھ تم نظمہ
یمہ اکھ جاندار حیات بخش خاب چھ بارس انان۔ ریکستان سنور اپٹھ ہوئی
جہازس منز وڈو کران کران چھ شاعر س پنداشتہ وری پزون تہ مٹیو مت ہو
ہو کم تہذیب یاد پوان۔ یہ تڑ بن بدن ہنزا اکھ رڑ تہ رنگین نظم چھ اکھ
طلسمائی فضا پاد کران۔ اکھ بلیغ استعارہ کہ صحرا وڈو وارس منز بیہ نہ کائہ
گلاہ شہل کرنہ خاطر چھ، تہ چھ بس ا کس شاعر س پانس اندر و س
ژھوچن سطر ن منز ساد مگر شاعرانہ لفظن پٹھ مشتمل نظم یمہ عنوانہ پر نی لایق
تہ داد نس لایق۔ یہ صحرا چھنہ مغربی امریکہک سنور اصحر بلکہ چھ یہ مجنون سند
نجد ون۔ مشرقی اساطیر ن منز چھ لال مجنون اکھ پسندیدہ اسطورہ فارسی
شاعری منز چھ اتھ پٹھ نظامی گنجوی تہ ہندوستانس منز امیر خسرون تہ مثنوی
لچھ مڑ۔ تہ کائناتس ادبس منز تہ چھ یہ لیکھنہ آمڑ۔ مشرقی شاعری منز چھ
لال تہ مجنون پڑ اثر علامہ عشقہ کس دفتر س منز بناونہ آمڑ۔ صوفی شاعر و تہ
چھ یم علامہ بارہا استعمال کر مڑ۔ مجنون اوس اکھ نامراد عاشق یس لالہ

ہندس امارس منز مؤد۔ امہ حوالہ اُردو شاعری منزیم ز شعر بطور نمونہ۔

پردہ محمل کی حقیقت ہی کیا تھی؟

غبار قیس کہیں خود پرد دار نہ ہو!!

(اصغر گوئدوی)

قیس چھ مجلون سُنْد اصلی ناو تہ مجنون گوؤ یُس دیوانہ آسہ۔ اصطلاحی معنیس منز یُس عشقس منز سُنْتہ ہوشہ ڈلتھ آسہ میر سُنْد شعر چھ:

مرگ مجنون پہ عقل گم ہے میر کیا دوانے نے موت پائی ہے

آغا شاہد علی چھ پننن مغربی پرن والسن ہند خاطر یم نظمہ شروع کرنس پٹھ اکھٹ نوٹ لیکھان۔ ”عربی داستانِ عشق قیس تہ لیلا چھ اُردو تہ فارسی

شاعری منز عشقہ کہ تھد پائیک طاقتور محرک کہ عنوانہ یوان استعمال کرنہ۔

قیس چھ یوان مجنون ناو دہ یمینگ مانے پاگل یاسہ شخص یُس کائسہ جنن

ژوپمت آسہ۔ یہ بوجہ قیس نامی امی عربی عاشقن کو ز عشقس پٹھ سورے

فدا۔ اُم اسطورن چھ وونی اکھ سیاسی پہلو تہ اختیار کو رمت، مجنون چھ

علامت بناؤ تھ اُکس مخصوص سیاسی نظامس خلاف بغاوت کرن وائلس

انسانس خاطر تمس انقلابی ہند خاطر یُس ایفای وعدہ خاطر پُن زووتہ پیش

کر، اکھ نمونہ بناوئے اُمّت۔ لیلا چھ۔ تھ گز اکھ آئید نیل بنان تہ یہ آئید نیل

چھ منزل یُس انقلابی منش گاران چھ“

شاید چھ شاہدس فیض، پیلو زودا، لور کاتہ محمود رولیش ہوکر انقلابی شاعر

مد نظر۔ یہند مطالعہ تس مکمل اوس۔ امہ علامتی آہ چھ شاہد پننہ ز کچھ نظمہ ”بینہ

اکہ صحراؤں و اُرائے پٹھ، منز اُمس عشقہ مٹس تہ عشقہ مڑ استعمال کران۔
 واریاہ بُند بون ورتاوتہ انسانی محرومین، مظلوم انسانہ ہندک ویدا کہ تہ تار تھکو
 صدم تہ ستم چھ ذہن گرفت کران۔ قاری چھ سارک سے انسانی سفرس،
 قدیمس تہ جدیدس، امہ کس فرازس تہ نشپس پٹھ اکہ سوال ذہن منز، اکہ
 خارِ مغیلاں، اکہ شدید ضرب محسوس کران۔ نظمہ ہنز نوم سطر پُرک تو:-

The earth is a calligraphy of coils
 a carpet of grass woven into scales
 and in a cloak laced with prayer
 Prince Jehangir
 Soon to be emperor of Hindustan
 rides the tiger.
 Ruby buttons glisten on his coat
 drops of blood
 that have caught him by the collar
 Oh Mujnoon there is no Justice
 He will not dismount
 in your wilderness of sorrow.

غور طلب چھ کہ مغل شہزاد جہانگیر تہ مجنون کم متضاد علامہ چھ بناوئے آہو
 تہ زمین کو سہ تصویر چھ پیش کران۔ زندگی مختصر آسہ باوجود چھ آغا شاہد علی
 سُنْد شعری کارنامہ اکہ وسیع تنوظر تھاوان تہ یہ چھ (۱) ”ڈاکخانہ وراے
 مُلک“ (۲) ”ناتیار گٹھ“ (۳) ”میمہ رَاژ و نو مینہ اسماعیل“۔ یمن ترین
 بے مثال تہ لافانی شعری تخلیقاتن پٹھ مشتمل۔ امہ علاؤ چھ شاہدن غزل ہنز
 اکہ شہر سو برن ایڈٹ کر ہنز یتھ عنوان چھ Ravishing

disunities.

شاہد ہنز شاعری ہنز زیرین لہر چھ اکہ مربوط آمیز یتھ منز کو سہ تام
 رَاژ و متاع، دردنا کی تہ غمنا کی لِر لِر پکان چھ۔ یہ لہر چھ اول تا آخر حتی کہ

تسٹرن غزلن مژتہ ژھٹہ ماران۔ امہ باوجود چھنہ لہجہ تہ اثر قنوتیک شکار
گوٹھان۔ کلہم شاعری ییلہ پرباسان چھ زن چھ اکھ انساناں دروچ مثنوی
لیکھنہ آہڑ تہ شاعر چھ کریشان زکر آسہ انسان آزاد۔ اُکس تھ معاشرس
مژتہ مژ انسان آسہ نہ چوان تریشہ کنہ انسان سُنڈ خون۔ یتھ مژ
ناداری، بہارک تہ مفلسی انسانس نال وُلتھ آسہ نہ۔ آغا شاہد علی اوس اکھ
نازک درد مند دل بہتھ انسان۔ سہ اوس انسان دوست تہ امہ انسان دوستی
ہند اظہار چھ کشیر ہندس قدیم کہو جدید آشوب قہر و ستم، جبر و نجیر، قتل و
غارت گری سوشاعری۔ تھ عنوان چھ ”ڈاکخانہ ور اے ملک“ اتھ کتابہ مژ
یم نظمہ چھ کشیر ہنز تباہ حالی، کاشربن ہنز مظلومیت تہ سیاسی شیطان ہنز کار
ستانی (اندریم کیونیرم) موضوع بناوان۔ بقول پروفیسر غلام رسول ملک
کشیر اُس آغا شاہد علی سُنڈ آلڑا لگو۔ تہند اول تہ اُخر محبوب اُس کشیر تہ
توے یُس کشیر زخم لوگ سہ کور تکر پننس دس اندر محسوس تہ زبانی پٹھ یوان
یوان بنیو اکھ شاعرانہ پیکر۔ تھ ناویو A country without post
office اتھ شعری شاہ کارس پٹھ چھ شفیق شوق و نان ”کشیر ستر شاہد
رشتہ چھ زنتہ کائنہ دیوتا سُنڈ یُس ہر آگاہ اُستھ دور پٹھ انسان ہنز زندگی ہند
مشاہد چھ کران۔ فرق چھ پڑے دیوتا چھ جذباتونشہ اُن زان ییلہ زن شاہد
پانہ حساس انسانہ ہندس سوٹھرس پٹھ بین ہند بن تہ گد رُن ژینان چھ۔
”ڈاکخانہ ور اے ملک“ چھ نون بدن ہنز نظم۔ سارے نظم چھ پُر درد۔
زنتہ کشیر ہند ہتہ بدن و رکین ہندس خون آشام تار تخرس پٹھ اکھ نوہ۔

خیال چھ یوان کہ شاہدن زنتہ چھ پٹن خون جگر کشیر ارپن کو رمت۔ پرتو
یہ گوڈ نیک بند:-

بیہ آس پھر تھ تھ ملکس
بیہ اکھ مینار دن کو رمت چھکھ
کُتام چھ زانگو سویتہ بیہ، کرشناوان تلہ گوگل تپلہ
پر تھ راڈ چھ ہیر کھسان پاوین
پر نہ سیارن کھنہ آمڑ شچھ
کمر بندر او گنجہ چھاپنہ چھ کوڑ ٹکٹن رد کران
تمن سارے چھننیمہ محافظ خانہ بے پتہ آسنہ کنو مبر تھ چھ
پر تھ گردن نہ تھوڑے۔

”ڈاکخانہ ور اے ملک“ ترجمہ: پروفیسر شفیع شوق
کاشربو شاعر و منتر چھ کشیر ہنز ٹریجڈی نظم کرنس منز تہ اتھ اکھ تار تخی
دستاویز بناوٹس منز آغا شاہد علی سرس۔ ”ڈاکخانہ ور اے ملک“ چھ وودنی سون
قومی نغمہ۔

ییلہ بہ شاہد پران چھس۔ مے زن چھ سہ بروہمہ وٹگ گونماتھ
باسان۔ ایمرن سہر تھ کتھ پٹھ چھم باور یوان زسارے شاعری آیہ تمہ
ساتھ لیکھنہ ییلہ نہ ونہ وق تہ زامت اوس۔



یا محمد

ڈاکٹر درخشاں اندرابی

بہ چھبس اکھ کور
 در شکم عرب سخ کھوڑا ہڑ
 بیہ وسوسوؤں جہڑ
 اگر زایس تہ آنہ گڑا مے کر نم
 اُتو تشریف اے نو مکرّم
 ز تھنہ پتھ
 یٹھ مے رحمتھ تہنڑ چھم
 بہ بیچ اکھ مشاہ
 دراء عرب گن
 مے تھینڑ مٹر جامہ چھم وکڑ مٹر وجو دس
 چھنی چھبس

پوز منس منز اکھ یڑھا چھم
 مے گوڑھ شاہ عرب دیدار بخشن
 بہ ولہ ہانور تکر سٹد پور پاس
 وجو دس منز بہ ادس ہا مہرنو
 بہ اکھ اکھ سپر تک تریہہ پانہ وچھہا
 زندے مہر ہا
 تہ موتس لار کر ہا

اکھ ڈاکو مینٹری

ڈاکٹر گلشن مجید

نہ چھ وونی دو دے صاف میلان

تہ نہ شکرے ویان

(اعتراف شکست

کنہ

ڈمب و چھنے کو ٹھکڑاؤنی ڈیلو)

کل چھ ووندس منز وٹ شریو

نہ چھے یہ وائے مازان تہ نہ موقعے

(اکھ ساد پزر

کنہ

ٹھلہ کمہ ہتہ لگہ کتھ ہند جل)

بود کول آو دے پوت پھرتھ نارونار

(اکہ تو آرنچی اہمیہ ہند بیان

کنہ

بٹہ بایس کیت ہنگہ منگہ خرچا حاصل نیو تھ)

ادھر مین اوس دھرم تئند بھر شٹ کر نک ٹز
(دون مخصوص در بن منز ہنگہ منگہ ہر ہند ستر

کنہ

و بتھ منز گامک شہر ک سورے ژھوٹھ چھ وپان
بند تلاوس کھولو دنگ چھا کاٹھہ موسم)
فینا نیکل ستین کٹاہ ژلہ کوچس بدیوے
(فینا نیکل چھا دھرم - ادھرم

کنہ

دھرم ورتھ اُس کوچہ نمویا کنہ شہر چ اکھ
پتلی گل - پیٹہ
چچھ تہ لنگو لیزو، ساد مکار
پیر وسان - ننگ ویر منگان
دھرم دپوزن کوچہ تہ تیلہ چھا ادھرمی کوچ چ بدیوے
تھر پٹھ تاز گولابس یاوتھ زانہہ بدیوے)

بی ڈی کولس نچو پٹن
پی پی کول آس گر عمہ شینچ کورا ہتھ
(ہندو مسلم جنگ چھ بہانن زاگہ ہتھ
کنہ

بیمہ گئے سارے ونچہ کتھ
 ونس ماچھہ کانہہ لاگتھ
 نتہ کوس تہ کتچ عمہ شیخز کور
 بٹہ زن مانو خا رہے گوؤ-توپتہ ماکر واتج منظور
 عمہ شیخ یس گپت سید سیو داوس شیران پار
 (عمہ شیخاہ کانہہ، عمہ شیخاہ زانہہ روزان اوسا گپت یار
 گپتہ یارس ستر عمہ شیخن رشتہ چھ بس یک مصری شعر
 کنہ

گپت یارس نیرتھ اوسے کوچس پٹھ عمہ شیخاہ گور
 تس اُس آشی ہاؤنی لایق کور مگر اُس مشہور
 بود کولس ستر عمہ شیخز یار پٹھ اُس دوشوے مجبور
 بود کولس اوس تھر ولس پٹھ عمہ شیخن شور شور تہ کھران
 پٹھ بیلہ عمہ شیخ اپران گپران گرتا متھ اوس واتان
 (تھر ولس پٹھ قائم دائم شیر کشمیر سند گن ارشاد
 ہندو مسلم سکھ آباد

کنہ
 بود کولس اوس کاہہ رٹن عمہ شیخ تہ عمہ شیخس بود کول
 تیلہ تہ وزان اُس لیفن سردی
 تیلہ تہ دزان اوس ترا نکس تیل (

پی کولن کو زنبُفس نرگس ناوتہ ژاؤن مالس نش
(ژاؤن مستان ہر دچ شے

کنہ
ماتا ویشنو دیوی تراؤس تپلس سے)
بود کولن وُچھ وُزل ہش کو راہتہ روئن وُلکلمی پوز
(دیوی بلہ وُچھ پر بزلان پرانیو آ بک ژونگ

کنہ !
رنگہ منچس پٹھ پنن مقرر رول لبین)
بود کولن کیاہ وون پی کولن یوز یئے
ژے چھکھ نرگس - مینتہ چھ ونان لکھ راج کپور
(لفظن ہنژنو کھیل گند و

کنہ !
معنہ وُچھو لفظن کتہ زاو)



میون بوز

ڈاکٹر فاروق فیاض

اُنہ گٹہ کوچھ منز
 اُچھ و ہر اوتھ
 کالہ نیس نکھ ترہر تھ ہیو
 اُتھی منز اکھ و زمل ہش زہنم
 زن اُس اذ برس آے منگان
 کوتر جو رک مے ڈبہ و ژھ و پھ و تھ
 ماجہ دلس گو و پھیرنس چاک
 میتہ اُچھ مژریم..... رند راند رزن
 کوتر جو رک نیس نکھ بٹھ اُس
 کمہ تام تھز رک سر باوان
 ماجہ مے بو مل بٹھ اد و نتم
 کوتر چھ و و ذی باشہ کران



تھالک گوڈ

بشیر اطہر

اُس دوشوے اُسرا کر ہے تھالس منز کھوان

دودیتہ.....

تمہ پتہ تہ اوسکھ تہ تہ

تہ بہ لے.....

اچانک سپد خبر کیاہ

تھال بھوٹ

دودیتہ آوچھکرنہ۔

تہ گوکھ تہ تہ بہ

اسہ رُئی بیون بیون تھال

بتہ تہ باگر تہ دودیتہ

مگر افسوس چھ صرف یہ ز

اُس دوشوے روڈر امہ کتہ نشہ بے خبر

زیتہ تھالس منز اُسریکوٹہ کھوان اُسرتہ اوس گوڈ

تہ اکھ سرفہ بچہ اوس اُرگرتہ بہتہ

تمی دودیتہ پھانپھلتہ اچہ در بنان یس تھالس نیرتہ اوس ژلان۔



سوئے ساوہر پتہ

ستیشِ وِمل

کوہِ کبنگارن نیزل تپتہ
کھسہ وِنی کھسہ وِنی
پکھڑ کہ وِنی پکھڑ کہ وِنی
رِکنہ خوفہ وِلسر پمڑ دپد

مرگہ پتھر منز کھکھر مل پوش
حد رَس وِسہ نَس اپڑے بوش
وَن تھپہ ز اُگس پاں ژادر
بوٹہ جہارتہ ناگے وَر
شل من اُوئل، شہہ زَن گوڈی
واو تھو کیو مت، بند وِکر وِڈی
دَم زَن دَم دَم خالس منز

وَأَنس زِ شاپٹھ جالس منز
جنتہ بہارس ہر دِکر ٹکھ
تاپہ لُشن پتہ فلوالکھ

کوہہ کبنگارن نیزل تپتر
 کھسہ وئی کھسہ وئی
 پھڑکہ وئی پھڑکہ وئی
 رکنہ خوفہ وپسر پمڑ دید

سانہ مزاجہ، وطر کہ شانشل شد بلہ گئے
 سوچھ کال چھ کبنگار رک حد و بیہ پاسہ
 سرتاز، وشن، خوشبویہ و لٹھ و او ورن
 اسمانس تامتھ واش کڈتھ چھی زیر کرن
 ژترن چھے ژھٹھ دنہ راش لبو

پھولنگ احساس چھ پتھر وون
 من وبتارس چھے سپر کرن
 سو ہونٹھس بٹھ وئی آنند زکھ
 دم خالس دمہ دمہ شاس کرن
 آسن برمہ کس شینکل سوچس اسرائیلی پوگ و بندن
 صبح وچھن تے صبحہ صوڑ ژژا کت گری گری
 عالم پڑاؤن
 یوڈ شہہ ہتھ من نہہ ندناؤن

شاهد چھ سراپا لول

شاهد دلنوی

کھش کر تھ تڑاؤن پھر
 یا تھو د تلکھ چشمن متھن
 زہر غم چاؤن تڑ - یا
 دس آب زم زم تا عمر
 وقتہ نا وقتہ تڑ کر تھس پامہ دی دی دل تہ تنگ
 را تڑ ہند آنہ گوٹ تہ لیکھتھ تھس لوح محفوظس تہ کیا
 سار ز گتیکو غم تہ پشراؤس متھس پوری نہ غم
 نفر تیکو یم تہر چھی لایس تڑ کر خالی کمان
 دود، دگ، اندیشہ، وحشت دس مگر کھو تڑی نہ زانہہ
 سنگ راہ شاہد چھ تھس کیناہ تا پھ اُسن یا کہ تڑ تھ



باوتھ

رتن لال جوہر

اکھ نظر

بس اکھ نظر کرمس تہ وونم

چانہ وچھنگ میو تول کُری کُری چھ باسان

ژئے چھے نظرن عذاب

گائتر وئسِ سیار خاب

ارمان گتلی

نارن اندر پڑھ بے پڑھ ہنژ ژھا ہنژ تل

گو مت ژئے چھے سوچس کر وئس

دارتل شہمار ہیو ژھوپ زاگ ہتھ

درواز کز رخ کرتھ انسانہ سُنڈ

وق بیومت کال

کالس کیاہ جواب

پھیکہ تلن پینہ لاش و تھرن ہش پنژ

تہ روزن لائہ منز

دیو آخری رسمن تہ پتہ پیہ وارک زانہہ!

جھنڈی وچھتھ

جاں نثار احمد

مال پھج

قمری مُنراو اچھ

تھوڑ ووتھ

کاڈ کوڈن

کھر وڈو کنی دژن نظر

رستھ گوڈ

بجلی کوٹس

جھنڈی وچھتھ



کاشتر زبان

فدا راجوروی

گلن ہند رنگ رچھ، کینہ کر، مہ راور
 چھ پرتھ زو اتیا زہ قودرتک دیٹ
 مڈر باوتھ پنڈر زو شوقہ باوڈی
 یہ رڈلو اُسرتن یا شنمک سزنیہ
 بی سن زن زندگی مثر، انقلابا
 گووے کیاہ راو رکھ لول للہ ہند
 لبکھ پز زو تھرر بیتہ چھے گمانے
 وڈو آسی تڑے پیراہ خیالں
 وڈاں چھے پرتھ اکھ پننبن کبھجن ستر
 یہ چھے نا علم و اخلاق سمندر
 امانتہ ماجہ زو تارتخ تھاواں
 تڑ تراو کھ ماجہ زو راوی تڑے پرزنتھ
 برکھ اتھ لول دل چے تار زونے
 تڑے چھے ناماجہ زو، کاشتر، مہ راور
 رچھن سے رنگ چھے بہتر، مہ راور
 وچھن آگر پنن آگر، مہ راور
 یہ زو چھے رچھدر کاشتر، مہ راور
 مگر حض شیخہ سُنڈ گوہر، مہ راور
 یہ جبہ خوتونہ ہند مچھر مہ راور
 تڑے چھے ناماجہ زو کاشتر، مہ راور
 رچھی ناماجہ زو کاشتر، مہ راور
 نقل جاناورن ہنز کر، مہ راور
 چھ اتھ مثر شوہ وڈی گوہر، مہ راور
 تڑ تھاوَن نظر تل آگر، مہ راور
 گزھکھ بے بال وپر کاشتر، مہ راور
 کتھا کرکرتن فدا کاشتر، مہ راور

سیر کشمیر

پتا مبر ناتھ در فانی۔ گڑ گاؤں، ہریانہ

گُز اُرتھ بھر تکی اکوہ وری ہاے
وُری وادو گمتر تھینہ ماجہ نشہ اُسر
اچانک درشنا اسہ ماجہ ہند کور
وُجھتھ روے ماجہ ہند اسہ دھوکہ مُٹھ گئے
فقط کینرَن دوہن بۆر لول ماجہ
ونان فانی چھ ماجہ کیاہ تے باوے
مُسلم چاڑی عظمت عالمس منز
یکت کاشری تھون قائم تہ دایم
طُفانن ، واہ ہاے، وُزلمن منز
ژٹن مارِشہ کاشر باے چارک
تھون کاشری وطن پننے گل افشاں
لُرن ماسم کدل یمِ آشتی ہندک
تمن شہجار دنا سیر کشمیر؟
زہے شاہد زہے عرفان زہے گل
یمو ما فائین گر بار مُشروو
۱ شاہد بڈگامی، عرفان ترابی، عمہ گل

کُشپرے ہند طوفا کر نہ اُسر آے
ونو کیاہ؟ زنتہ ماجہ اُسر نوہ زائے
یرٹھان اُسر کرو چھو اُسر سترنج تھالے
امارن زپر لُج یم وولسنس آے
مگر کم گزھنہ اسہ زائہہ ماجہ ہنز ماے
بہ مژ تھ سپنہ پنہ نے کیاہ تے ہاوے
عمل چانبن ستر بن ہنز نیچہ ناوے
یرٹھن ہر کائسہ ہند یم سوکھتہ ساوے
تھون رقصاں سیرنگ دار ناوے
کراں ما بے سبب کائہہ شکو گراوے
کرن آلود ما ڈلہ گئے ہواوے
کرن ہمسایہ نے ما ایر ناوے
یمن تن اسہ دُرمژ نار واوے
یمو یوژھ فائیس کیٹھ سوکھتہ ساوے
یمو تھوو ڈجہ پنہ نے باے باوے

خداے کر سہل

ڈاکٹر محفوظ جان

بہ اوُس ملازمتکس سلسلس منز بیس جاپہ تبدیل کرنہ اُمت۔ یتیلہ
 بہ گوڈ نیکہ دوہہ پنس دفترس منز ژاس تہ گُرسی پٹھہ بوٹھس۔ مے وُچھ اکھ
 اڈور نفر آفسس منز صفائی کران۔ صفائی کرتھ آومیہ نش تہ وُٹن، میہ ژد
 حض پُن بوٹھ یور۔ گوڈ نیکہ دوہہ آسنہ کُری ہوک نہ میہ کھنی تہ سوچتھ تہ
 دتسمس کھور و منز بوٹھ کڈتھ۔ کینہہ کال گڑھتھ اڈن میون بوٹھ پالشہ ستر
 چمکاوتھ۔ بہ گوس سبٹھاہ خوش تہ چند منز کج ز روپیہ تہ پلنا و بم اُمس کُن۔ مگر
 اُمی رچنہ کینہہ تہ در جواب ووتھ۔ مے حض دوپو توہہ یورے بہ کر توہہ
 بوٹس پالش توہہ ماو نو اور۔ بہ نہ حض رٹونہ پونسہ کینہہ تہ سستی ووتھ اگر حض
 توہہ مدد تہ چھو کُن یتیلہ کُری تو حض میانی نو کُری مستقل۔ بہ ووتھس ژ
 کیناہ چھکھ پیٹہ۔ یہ ووتھ اور، میہ حض گئیہ۔ تھ دفترس منز پڑشاہ وری مگر بہ
 حض چھس و نہ عارضی۔ ساری حض چھم و نان کینہہ چھنہ پرواے۔ مگر از

تام حض چھس بہ وُنہ عارضی۔ میہ پڑتھ اُمس ناو۔ اُمی وون مے پُن ناو
شریف الدین۔ مے وونس تڑ سمکھ زمیہ چھٹی وز۔ یہ گوو سبٹھاہ خوش۔

بہ گوس واریاہ لملول ز پتھ بہ و ہرک پتہ تہ چھ یہ غریب وُنہ مُستقل
گڑھنے۔ میہ اوس وُنہ ذہنس منزلی ز تام تراو میہ نش بیا کھ ملازم شام
لال۔ خار پاٹھ کرتھ پڑتھ میہ اُمس شریف الدینس متعلق زیہ کیا ز چھنے
پتھ بہ و ہرک تہ مستقل گوُمٹ، اُمس کیاہ دُلپل چھ۔

شام لال ووتھ اور، تڑے تہ وونے حض اُمی۔

میہ ووپس آمیہ تہ وون۔

شام لال وون اور یہ نہ حض گڑھنے ز نہ مستقل۔ یہ نہ حض چھنے کُنہ
کھاتس منز پیٹہ درج۔ یہ حض چھ اسہ سارنے یون پالش کران، پتہ چھ
اُمس ساری رتہ پنزاہ پنزاہ روپیہ کڈتھ اُمس پانٹھ شبہ ہتھ جمع کرتھ
دوان۔ اُمس چھ خیال گڑھان زمیہ چھ یہ گورنمنٹ دوان۔ اُمس چھ کُر
تام وونمٹ ز تڑ گڑھکھ وار وار مستقل۔ بی کران کران گپہ شریف چندس
پنزاہ واری میتھ دفترس منز۔ یہ سمجایو واریاہ لٹہ اسہ ز گڑھ مو
زور کر مگر اُمس اندیونہ کیئہ۔

بہ ووتھس شام لالس ز تڑ کیا ز چھکھ اُمس شریف چند ووتھ ریٹھ
ہشہ کڈان۔ اُمس ہے شریف الدین ناوچھ۔

شام لال تڑ و و اور اُس تہ وون۔ اُمس حض چھ واریاہ ناو۔ شریف
الدین، شریف مسیح تہ شریف چند۔

یہ بُو زتھ گوس بہ حاران تہ و تھس شام لال س گن۔ مے ونٹہ یہ چھا
مسلمان، ہیوند کنہ کر سچن۔ یہ ووتھ اور۔ اُمس حض چھ تریشوے مذہب۔
میہ پرژ تھس ژ کیاہ چھکھ یہ ونان۔

شام لال ووتھ اور۔ یہ حض چھ پیتی نزدیکی اُکس گامس منز روزان۔
اتھ گامس منز حض چھ یہ اکھ قبیلہ۔ یم بچار حض نہ چھ مسلمان، نہ ہندو تہ
نہ کر سچن۔ اور حض چھ مسلمان مولوی تہ یم نیش یوان تہ دپان چھکھ تہو بُو
مسلمان۔ یم چھ تمن بروئہ کنہ نماز پران تہ تمن حض چھ دپان اُسر چھ
مسلمان۔ مسلمان مولوی نہر تھ چھکھ کر سچن ہندو پادری یوان تہ دپان
چھکھ تہو چھو اصلی کر سچن تہ تمن تہ چھ آنکار کران تہ تم نہر تھ چھ ہندو اور
یوان تہ دپان چھکھ تہو بُو ہندو تہ پوزا پاٹھ اُسو کران۔ یم چھ تم ڈکس
ٹیکو تہ کران تہ یم چھ پوزا تہ کران۔ یہ ہندس گامس منز حض چھ مسجد، مندر
تہ گرجا گرتہ۔ یم حض چھ کافی غریب تہ ان پڑھ تہ مگر شریف۔ یم چھ کالہ
ونان اُسر چھ مسلمان، سجن ونان اُسر چھ ہندو تہ بیہ کہ دوہہ ونان اُسر
چھ کر سچن۔ یہ چھ سارڈ ہے علاقس بیہ خبر۔

یہ بُو زتھ گوس بہ تر بن تہ تر دوہن منز تہ یام شام لال میہ نیش دزاو۔
میہ سوچ ز میہ پز شریف الدین صاف صاف وُن ز ژ گتھکھ نہ زانہہ
مستقل تکیا ز ژ چھکھ نہ نیمہ دفتر ک ملّازم۔ ژو چھ بدل کاٹہہ کام تہ تہ تہ
تنخواہ سبجان چھکھ۔ سہ چھ دراصل ژے ملازمن ہند بن بُوٹن پالش کرنس
معاوضہ میلان تہ یم چھی کھنڈرن کر تھ ریتہ ژے دوان۔ تہ تہ ژور بچہ

دفترس چھٹی گئی تہہ بہہ ہوتس گرگن نیرن۔ شریف الدین آومیہ نش۔ یام
 مے شریف الدینس بتھس گن نظر کر، اُمیہ سندس بتھس پٹھ وچھم غرتسی،
 تنگدستی، لاچاری تہہ بے بس مژا کھ اُمید پڑ بزلان، تیمہ کزی یہ زندر و زتھ
 اوس۔ مے آوستی خیال ز اگر بہ اُمس یمہ سارے پڑ کتھ ونہ۔ یہ گزھ مڑتھ
 تہہ بے لوگس اُمس پڑ تھنہ۔ ژے پُھیا ناو شریف الدین، شریف چندر کنہ
 شریف مسیح تہہ ژے کس مذہب چھے۔

یہ بوزتھ تڑ ووا اُمیہ مے گن وچھتھ اُس تہہ ونہ لوگ۔ تھو تہہ لگو وھض
 مے یہ ہندی پاٹھو ونہ۔ بہ ہض چھس سارے مذہبن ستر تہہ میہ ہض چھ یم
 تڑیشوے ناو۔

بہ ووتھس ناتہ ژکیناہ چھکھ وناں شریف چندونہ۔

یہ ووتھ اور در جواب۔ ”میہ نہ ہض چھے ونہ کانہہ مذہب۔ بہ ہض
 سوچہ پتہ۔ وٹکن ہض چھے مے اکے مذہب۔ سہ گووہہ کر گزھ مستقل تہہ میہ
 کر ہر تنخواہ تھہ بہ دوشوئی وٹن پڑ لوکڑ شرک بتہ کھینا و بکھ۔

یہ بوزتھ گوس بہ روتھ تہہ دوپمس کینہہ چھنہ پرواے۔ خداے کر سہل
 تہہ دز اس گرگن۔



وہمہ

محی الدین ریشی

یام ہوئی وونگان اُس مجیدس اُس تر پھٹان تکیا زتس اوس بہتھ ز کائسہ
 نتہ کائسہ چھ یہندس علاقس منز مرُن۔ سہ اوس اُنڈر پکھڑ تہ پتہ بروہہ وئی
 دوان ز کائسہ ماچھ سپر یس بیمار تہ ییلہ بوزہ ز فکائی چھ یاچھ بیمار تہ اوس
 تس خبر گڑھان۔ ژ کہ اوس وچھان ز پزی چھایہ مرنس لایق تہ ییلہ بیمار
 ہنز حالت خراب وچھ ہے تہ اوس تسلی گڑھان ز مے چھنہ وئہ مرُن۔
 از ییلہ ژور وودو ہو پٹھ تہندس گرس نکھ شامس ہوئی وونگان اُس تس
 گپہ سبٹھاہ بے قراری تہ پیوس یاد ز ییلہ ٹوٹھ یتیمہ عالمہ گو وتمہ وز تہ اُس
 ہوئی برابر ژون دوہن وونگان۔ مجید چھ ہونین دُر دُر کران تہ کنہ ستر ژلہ
 راوان مگر تم چھس پھر پھر واپس یوان تہ وونگان۔ یہ وچھتھ ہیوٹن سہ
 تیزن تہ اوس آشنہ ستر اکہ نتہ پیہ ہتہ ز کہ ز کہ کران۔
 اُتھ منز گپہ تمن نکھ ووان کر بکہ تہ مجیدس گو و پھر بٹھ تہ ییلہ بوزن ز

فلانی آپہ گزریہ تہ گو و تمَن سَمکھنہ تہ رُ دتئی یو تام سو قیر بڑکھ۔ تس لو تیو و
دِس بار ہیو تہ آو گر واپس۔

تہندس باغس منز اوس وونی کلس پٹھ کُنے ژو نٹھ بچو و مت تس پیہ اتھ
پٹھ نظر تہ لوگ یہ والنہ۔ وُنہ اُس اتھ تھھ دِنے زِ ہونو ہیو ت پیہ
وَنگن۔ مجیدس گو و پھر بٹھ تہ آو کُر لنگ ہتھ پتھر لایہ۔ اُچھو کُر پھوٹس
خون تہ اشار و ستر و نان ہوئی کرنا وک تو کھ ژھوپہ۔ سرانہ پچہ پٹھ تہ و نان
ہوئی کرنا وک تو کھ ژھوپہ۔ مگر کاٹھہ نہ بوزان یو تام سہ قبر تہ بوز کھ سہ رُ د
لی و نان!۔

۱۶ / دسمبر ۲۰۱۰ء

مول تہ نیچو

مکھن لعل پنڈتا

کُنہ وِز چھُ اُسہ پُن شُر، یس اُس رتھ تہ زُوچھ وندان یوتاہ جیر انان،
 ز اُسہ چھ نہ پانس تانی روزان تہ مایہ بیز بالاہ طاق تھوتھ چھ جسمانی سزا
 وِس پٹھ ووتھ یوان۔ مگر نہ ملک اوس نہ۔ سہ اوس تھ گزہان مگر اتھ
 تُلنس اوس نہ ووند یوان۔ یہ اوسا تہ نیچو سُنڈ یسُنڈ ناو ربوش اوس، اُنس
 کُنہ تَس اوس طیتھ یٹھ، چھ اکھ مشکل سوال تکیا زینیلہ تہندک باے اُس اتھ
 پٹھ تبصر کران تمن اوس باسان دونوے عنصر چھ رل گمتر۔

نیئد کالک اوس وق تہ نیہ مُلکس اُس تارے گونہم۔ وجہ اوس زِگپن
 نیئد موکلا و تھ ہیو تَن تَس ہنگہ تہ منگہ دوہے شامن بخار کھسُن۔ حکمن وِوَس
 پیشا بس چھ زادگی۔ تہنر کتھ پٹھس ٹھپ کر تھ تہ تکر لوگ یونانی یلاج
 کُرُن۔ گراچون مَن وونڈی، گراشیر، گراشر تھ مگر بخارس ییلہ پُن وق گوادا،
 سہ ڈول پانے۔ زمینداری مثر چھ نہ دم سندا رُن یا آرام کرن آمت۔ سہ
 گوکھا ہس نظر دینہ، نیئد اُس گونہم، تَس پیہ وَا لَنج وِستھ، تتی ژھنن پھمرن

کدِ تھ تہ ووتھ ڈوؤس۔ سہ لوگ دَنہ پَنہ نیندن پتہ۔ اتھ وِقتس تر ووتھر
 گر یک کار بار خاندانہ پٹھ، یوتانی زِ داند تہ نین نہ پانہ نیور، تم سوزن
 بایس اتھ۔ ریشس آو موقہ مُستی کرنس، جد دانہ اوس تھون تاقچس پٹھ تہ
 ونہ مژ کڈن دویپتہ تمس ہوک ونہ راول اُسر سمٹھ آسان۔ شامن اوس سہ
 شو نگمت آسان یمہ وِز نہ ملک اوس گر واتان۔ صُجن اوسس مول وِنان
 ژکتھو تپالہ چھکھ شامن گر وِهن، نہ چھہ گر چ فکرنہ سچ۔ طماہ رو دے ژو چھ
 ہتھ زانہہ گر کتاب کدِ تھ۔ امہ کھوتہ بہتر چھ نامے ستر نیر کھ کامہ، وِنگلن
 نیر کھ ژھٹہ بٹہ۔ سہ اوس تور وِنان کیناز اوتر کدِ م نام کتاب ییلہ ژ نیندن
 اوسکھ گو مت۔ دوہس بہما اُتھر ستر کلہ دتھ۔

نہ ملک اوس نہ تیند جوابہ ستر مطمین گر وِهان، مگر امہ علاؤ اوسس نہ
 وِنان تہ کیشہ۔ زانہ قو درتھ سورے پے اُستھ کیناز اوس گوش وِوان۔ اوے
 اُسر تمس باے وِنان زِ یہ چھہ نچوس میہمان خانہ ماجر کران، اُند طیتھے چھہ تھ
 مگر نچو گر وِہس آوار۔ سہ اوس تہنژ کتھ بوزان مگر وِنان اوس نہ کہیں۔ گنہ
 وِز ییلہ ژلہ ہس تیلہ ونہ ہے زیم کیناز چھس نہ وِنان یا جد رٹان یا گو ہندک
 اتھ رڈ کائہ۔ مگر تم اُسر تسنر خاندانہ کھوژان یوسہ ریشس اُچھ پٹھ اُس
 نہ مجھ زِ وِوان۔

بہر حال ژارے ہند ژبل موکلیو۔ بستہ پھرس لوگس نہ زیادوق۔ مگر
 تس اوس باسان تہ تھوؤس بخارن ژٹھ، لہذا دمہ شین کن چکرا، موئے آو
 شفا خانہ کن دمہ نظر، اکھتے آنہ ماز سیرا، رس پینا لاپمہ، دیو یمن نرن پھیر بم

حبس۔ باز روت، اکھ ز چکر دتتر اور یور، ہنگہ تہ منگہ آس خیال سکولس
پٹھ گزہ، ریوش وچھن کینا چھ کران، اتہ تہ چھا گڈار بن گہوان، کنہ
پران چھ۔ سہ تہ تھہ ژاوسکولس منز، اور اوس ہبڈ ماسٹر صاب پکان۔ تھر
پرچوٹھس۔ ”کس چھن ژہانڈ ان؟“

’مے جناب چھ پیٹہ کوٹ پڑن۔ تھر وونس
’ناو کینا چھس؟‘

’ریوش جناب
’کام کینا چھکھ کران؟‘ تھر پڑوٹھس
’رہند اری جناب۔‘

’نہند موکلا و تھا؟‘
’آجناب شکر خودا یس گن‘

ہبڈ ماسٹر ن کو رچیرا سس آلو، دوپس۔ نتلہ سائیٹ کوٹ ریوش
’اٹن یور‘

چیرا سگر گو یور تو راون ریوش پانس ستر۔

نہ ملکن کر ریشس نظر اٹانہ و گنے یس پتہ دژن ہبڈ ماسٹر صاب
تہ اکھ نظر، دوپس۔ یہ حض چھ گر آسن پھیرن، حرامے اکہ لٹہ چھ کتاب
کڈن، یاسکولہ تہ پلہ پون۔ اکر ہندس پٹھ گوس بہ باین نشہ تہ پڑتہ
تہ۔ اوس کرتہ باہتا۔ تہ یہ پھٹہ ہے

ہبڈ ماسٹر صابن وون ریشس ’کیو ہو بابہ کینا و نان؟‘

ریشتر ژھن کلہ یون گن، نہ وچھن مائلس گن، نہ ہیون گن ہبڈ ماسٹر
صائبس گن وچھتھ، زن دژہس وودنی مائتھر۔

لڈن سائیہ اٹس۔ ہبڈ ماسٹر صائبن وون چیرا سس۔
چیرا س آو بروٹھ پھن، شانہ کرہن ریشس گن، اتھن دون گرنس
پتر کنی تھھ، تہ لوڈن اٹس۔ ریوش تہ کھوت ژھوپہ دوپہ کرتھ اٹس زن
اتھ اوس وودنی بی کرن۔ ہبڈ ماسٹر نچ لور تہ اکھ پرتھ تر وونس منڈلس
پٹھ۔

’ہتے مائجائے، تکر دژ زور کر بکھ۔

ہبڈ ماسٹر صائبن ٹل بیا کھ پرتھ، تہ آیہ نووس پتر کنزرم جلیہ۔
’..... ہتو خودایو..... اا اا..... وودنی نہ حض کرہ، وودنی نہ حض کر۔

ریشتر دژ زور کر بکھ۔

یہ قہر وچھنہ ملکن پانس بروٹھ کھ۔ وائج پانس ژھنٹھ۔ وچھتوبہ کیناز
آس یور۔ مے آس راءے یہ کر ریشس روپہ دابا۔ تھ تمس بیہ روز، اُم
ہیوت یہ ژ روٹہ ناؤن سہ تہ مے بروٹھ کھ۔ پیشتر ہبڈ ماسٹر تراوہے تس
بیا کھ دپ تکر وونس۔ بس بس وودنی حض گیس مائی۔ وودنی کرہ در بدری
زانہہ تھ چھس بہ ضامن۔

ہبڈ ماسٹر صائبن وون چیرا سس یہ والن سائبون۔ چیرا س وول
ریوش یون۔ ہبڈ ماسٹر صائبن وونس کھارن سا وودنی نہ ملک۔ چیرا س کر
شانہ نہ ملکس گن تہ شان پتر کنی چھس اتھ ز ژھانڈان۔ تکر تھوڑ اتھ ز

پتھ کُن، شاہمتس گُرد تن یہ اتھن دون تپھہ تہ نیہ تن اٹس کھارتھ، ہُہ چھہ
والان پٹھ گُرد۔ یہ چھہ ہاٹہ میماہیو تہ امہ سو اے چھس نہ ظاہر اکانہہ کا ما۔
ہتہ حض وونی دحض مانی، نیہ ملکن وٹس ییلہ تس تور فکر بلاہ و اٹ
مینن کھورن تل تہ یہ چھہ نہ چھرن وول نفر اکینہہ۔ یہ حض لو گس از
بگدن پیارک۔ مے چھا خبر یہ خبیث کرنا وازن تہ شکھ۔ وونی اے چھس
یہ مانی منکن۔ تو ہواے بَب چھو۔

’ژنے کیاہ او بے صجن سو نچت از کھسہ ہبڈ ماسٹر صائبس اٹس، گُرد
گہل نمس گرتھ، اُردی چھہ پتہ شوز راوان۔ ہبڈ ماسٹر صائبن وٹس۔
چیر اُردی اوس تس کُن شانہ گرتھ وٹہ تہندر اتھ ژہانڈان۔ نیہ ملکن
کھوت غوصہ تکر وٹس۔ ’ژ کتھ گوکھ مے اگا دژ چھکھ پیر ہند کھوتہ اُردی
ہند پہن، ہمس ورتھر بنہ کینہہ زار پار گرتھ، مگر ژ گوکھ مڑچہ ہبڈ ہیو اگا دژ ما
مانکھ نہ کینہہ۔ خبر ژ ما وٹس کتھ بونڈقہ فیکٹری ہند برگنداز۔ ژ یڈ ہیے ییلہ
ہبڈ ماسٹر صائب مانہ نہ، تیلہ چھس بہ چانن اتھن منز لگتھے۔

اُردی گو و ہبڈ ماسٹر صائبس خبر کیاہ لجاظہ، تکر وٹس۔ ’نیر یہ گُردی گہل تئلہ
اُردی زینہ یورہ یوان‘

نیہ ملکن وچہ موچھ ز گٹس تل کوڈن تھکھ۔ گٹس پٹھ و اتھہ دژن پتھ
کُن نظر ہبڈ ماسٹر صائب اوس پتہ سے کالس خبر کوٹ و وٹمت تہ چیر اُردی تہ
ریوش تہ اُردی تہ تس دژ اُردی۔ سہ دژ او گٹہ نہر پانس ستر گُردن اسنا، مگر وونی
اُردی نہ اتھ و تھ یوان کوٹ گرتھ۔ ☆

نعت

رفیق راز

بہدارا وُچھ نہ اسمانن ژئے ہیو کائہہ شب بہدارن منز
ژئے ہم سر چھا سنا کائہہ عرشہ کمن روشن ستارن منز

یہ کمر سُنڈ لول چُھم آمت گومت چُھم ہول ہیو جگرس
دوہس راتس دوان چھس وئی بہ کس ترہوئی سپارن منز

یہ کمر سُنڈ مشکِ ادر ہیوت ژھٹن قلمن تہ الفاظو
یہ کمر سُنڈ نور ماراں ژھالہ میانین استعارن منز

نہ بی زائہہ چون ہیو ٹھہراوڈرکیاون تہ سدرن وونی
نہ بی زائہہ چانہ گفٹارچ روآنی آبشارن منز

ستارا ہیو مقدر گوژھ ووں پڑ بزلن تیٹھ اشارا کر
شمارا گوژھ ووں سپدن میون چانین داغدارن منز



غزل

ڈاکٹر شاد رمضان

آوار کڑھن خاب تہ آزار پاؤکز بس
بے نیب سو در زور تہ سفر یاد پاؤکز بس

دورن و دُن نصیب تہ صحرا و گردِ بڑ
ژھپہ ژھارِ گندن والہ پدن آکھ راؤکز بس

بکو زن تہ بے وکھ ناو گرن تلپہ وڈر پٹھ
رژھرتھ وِشال نیول سمندر ژ تھارِ ز بس

اختابہ کئے گزاکھ مُقدر چھ شبنم
بے شو نکو پاٹھو یاد کتھن منز تہ پاؤکز بس

سمکھی اگر تہ پاسِ خودا منگو ز تس کشیر
باسی تہ کھورن تل پنن دستار تڑاؤکز بس



غزل

ڈاکٹر مجروح رشید

اکی اشارِ نین سارِ دارِ بر مُرتھ
دپان تمس سو ہونر میج دل پن زالتھ

یہ پوش پھول تہ تجھن تل سہ سوئتہ ہتر واون
یہ کوئد بکور کنے زون چھ وچہ تھواں سائمٹھ

متیو ژے مایہ خبر جھے ز وق چھ تاپرک از
کھٹھ ژ روز اچھن چھے ژے زونہ گہہ چھاوتھ

یہ رات کیا ز گناں وں مے لانہ چھا لیکھتھ
وو یوم تاپھ وچھس گون سہ نیو تہ کر لوتھ

یتھس ستار سرس منز ژے ولس گے ناداں
کھوتکھ تیتھے ژ بٹھس پٹھ ز ژا چھیا لارتھ

یہ چانہ شوخ مرازک شناس چھس کن ز ون
مے کیا ز چھکھ متہ مجروح وچہ ژٹان رؤشتھ



غزل

ڈاکٹر تن تلاش

کچھ از شامن جہازِ کر پائِ ٹھری بوڈو لوت لوت
صبحن دوشوے سرِ ریکو پائِ ٹھری کھسو لوت لوت

نار چھ تڑاوان بے خبری منز نالس تپھ
پوشہ تھرن زن پوت نظرو وچھو لوت لوت

تھہ موسم ناو بہ دمہ ہا، دمہ ہس کیاہ
سوچان سوچان موسم سوڑتھ گوو لوت لوت

نئے چائس نے میانس دروازس گوو ٹھس
اُس چھ پیتی وچھہ وقتے نیرتھ گوو لوت لوت

تھہ شہرس منز جامہ تلاش عام چھ سخ
سوڑے کینہہ پیٹہ دل جگرس منز تھو لوت لوت

پنہ و تھرن پٹھ یوڈ چھنہ لیکھتھ ناو تھند
مولن مولن خون تلاش چوڈو لوت لوت



غزل

غلام حسن مضراب

گزہن کا کد اُنٹھ چھوٹ خاب ڈیوٹھم
 ووزرک واوک نووے از باب ڈیوٹھم
 سلے بلبل پچان اوس پوشہ لنبہ پٹھ!
 دنتھ دامانہ سے بیتاب ڈیوٹھم
 چھ آمت مٹر وڑا ییتہ عانہ اچھرن
 سہ پوت ونہ کئے شہل مے خاب ڈیوٹھم
 برتھ ہلمن رچھم تنگل وچھس منز
 ننگ تارکھ پھٹان درخاب ڈیوٹھم
 زمان تھادو کم ولہ ویر تاپس
 کتھن دل دین توے نایاب ڈیوٹھم
 سیاہ شب روڈر کاٹیاہ از مے ہدم
 صبا پھولہ ون کھساں آفتاب ڈیوٹھم
 بے پڑھ واون بے ستھ کورنس بہ کرتام
 ضرب تارن دوال مضراب ڈیوٹھم



غزل

بشیر زائیر

کس چھ پتہ اُس کس چھن ژھاران بہ تہ بیہ زؤن
 نتہ ما واد پٹن کانہہ پالان بہ تہ بیہ زؤن
 تس تہ چھ پرہلان دؤری سنس داغ گڑھن
 تس تہ چھ پانس ہوڑ منز باسان بہ تہ بیہ زؤن
 لکھ سہلابس منز نہ یواں گنہ اُھک تہ پٹن
 وونی گوو ووپر اُزی چھنہ زانان بہ تہ بیہ زؤن
 آو نہ شاید سانن زمن کائسہ شمار
 راتس تارکھ نب گنراوان بہ تہ بیہ زؤن
 لائس ازلے اوس لیکھتہ آوار نژن
 زیوٹھ سفر بُر اُژ نہ ویاپان بہ تہ بیہ زؤن
 میون یہ عالم کوٹاہ بیہ تقسیم کوڑکھ
 سرحد پانہ بنائتر پرائان بہ تہ بیہ زؤن
 قلمچ میل سیاہ سرورقن اچھرہ جران
 گاشہ مندنی ڈبکہ لائس لاگان بہ تہ بیہ زؤن
 شلمہ پتہ شہجاریک سرہہ ہتھ زؤن کھسان
 زائیر لول سراسر کانچھان بہ تہ بیہ زؤن

غزل

*

مشتاق شینو

وآنچ تھارے یام ڈیوٹھم پڑژھنہ شہرک حال
 پڑژھن واراہ مے تہ زن پنہ نیار وچھنس گویش کال
 پڑژھنہ کوچک بارو بوزتھ گومت چھس بے حال
 اَسہ وِنی آدِری زاتھ پکان اُس مے ستر نالی نال
 وان ہندک تھر پڑھینر گامتر وانی گمتر پامال
 تر بن تر و ہن منز گراکھ تہ گومت ڈپشتھ وانگ مال
 سمن بلن ہند سمہ ون سمسار زن ووتھمت پاتال
 دوسہ ہڑ گامتر بابد پھٹہ جن پاتھل گو پانڑال

پوشہ وَن ہند کائز سپُن سیکہ شاٹھن ہند زال
 اڈ پھولر گل پھولہ نے بر گائتر بلبل گونگال
 وتہ ژانگن ہند و تہ پڈر کوٹ گپہ کوٹ گپہ مالک حال
 وای خدایا وزل گرہنا انہ گڑ اسہ ول نال
 دُز دُز ژہد بن سُر سپد مُت تاون ز اجم تال
 گریشمہ ژنجن منز یاد پوان چھم شہجارک خدوخال
 ووڈ پوژن ہند اُتھر کچ شچھ بوڑتھ کس گپہ گال
 بشری ژمہ ہند وولت چھ تیٹھ ازیتھ دامن نہ چھ نال
 زٹھ گپہ کھنڈ کھنڈ سونہ ہار زلفن مڑ ہش سوندر مال
 زونہ تہ تابان بٹھ کرلیو مُت کز لے تارکھ مال
 مشتاق شپیانس وَن ژبڈ کررتہ گڑو کھ گپہ بون وال
 ونہ ہے وُنہ کوتاہ چھمڑا لُن وُن ز بس پیہ ہن ژال



غزل

روحی جان

جانِ جانان جلوِ باؤتھ چھم ٲلان
 تنبلاؤتھ دؤر تراؤتھ چھم ٲلان
 تس شمع روئس تہ چھے ، عار میون!
 جانِ دل میون راوِراؤتھ چھم ٲلان
 تارکن سترِ زھنپہ زھاین چھم گندان
 مارکن منز پام تھائوتھ چھم ٲلان
 عشقہ پچانس تھوؤتھ لوک امار
 پان دارس کھالہ ناؤتھ چھم ٲلان
 راؤ راتس زؤن وتہ نے چھے وچھان
 گاش پھولہ وُن لوسہ ناؤتھ چھم ٲلان
 منز بہارس بلبلو تُل شور و غل!
 بیہ گولابن مشکہ ناؤتھ چھم ٲلان
 مالہ پوشن شوقہ چھے روحی کران
 جام پیالن برِناؤتھ چھم ٲلان



غزل

منصور شبنم

اُنْدِرِم کتھ ما باوان چھم

لچھ لچھ پھر تچھناوان چھم

مایہ سان بۆرَس شوق لول

کھوچہ پٹھ پرکھاوان چھم

لکھتھ از لے لائس اوس

حسرت غم پُشراوان چھم

وعدس پٹھ چھنہ وُتران زائہہ

وقتس پٹھ مُشراوان چھم

پڑتھ وِز ہاوس کورنم سور

جامن تر تال دیاوان چھم

نئے زوس پکے نس کھوژان اوس

دوڑی ما روے زائہہ ہاوان چھم

شبنم کتھ پٹھ چھکھ مایوس

دوبدیش حض اِز ماوان چھم

غزل

موتی لال مصروف

صبح گراین وچھم تاثیر چوئے
نظر پھوج یام پور تحریر چوئے

ترک یوگن تہ ہرگاہ چھم بشاشتہ
یہ دل نظرن اندر چھم گیر چوئے

برم رآژن اندر وچہ خلبے نے ہندک
صبح پھول لازمن تاثیر چوئے

گہ پیو سجد دین لوس ونے کیاہ
ترتھ گوو نظر نے ییلہ تیر چوئے

فصا مصروف پھولون تراو روشن
کتھن تاویز پن چھم سپر چوئے



غزل

شوکت علی خان مضطر

دیومِ دلِ کسِ دلس سأل کر ہا چھم نہ درانِ دل
الغائبِ زیرِ لُجِ نایہِ نمس و نہ چھِ نالانِ دل

متر و چھس ہر کانہہ چھِ رچھان کائہ ہنز مؤرتھ
ییلہ تہ زائہہ تس یاد کران تیلہ چھِ پھولانِ دل

کنہ کنہ تہ ییلہ مجنوں کوڈ کھ نُجِد و ن گن
نہ تکر یہ مثر لیس تہ زائہہ دیوانہ گڑھانِ دل

کاڈ یامتھ کوڈ گُلالن تام لوُس دودھ
یہ حال و چھتھ کیاہ ونے کس کس چھِ فُنانِ دل

پنہ نو ییلہ پیٹہ ماے مُشرأہ غار زانس کیاہ
پھلہ پھلہ گڑھان موحہ لہ بے گانہ گڑھانِ دل

مُضطر کیاہ کر لولہ نارس تس بچارس کیاہ
ونہ کس سہ آخر تس چھِ اندری خون ہارانِ دل

غزل

شاہد فردوس

چھم لولہ ناریچ ریہہ تہ گس زھوہراو جگر میون
 آزار چھم عشق تہ گس بکراو جگر میون
 اوُس خیال منز تہ تکر ہنز زھالے گیم، برانز
 لج تحف مے دس گس اکھاہ ٹھہراو جگر میون
 ریحان، سنبل روش تہ نرگس چھ کھٹان پان
 تھ سوہ سبزارس تہ گس پھلراو جگر میون
 سگر تہ بیابان رُہتہ گئے تہ وچھان رُدر
 سُرِ تہ بہار گوو تہ گس شہلاو جگر میون
 پھول دودہ تہ اُسم چشمہ تر راتس تہ ودوم کوٹ
 وونی انہ گُلس منز وچھتہ گس سنبلراو جگر میون
 لوکپار گوو زن ہرد بڑک ارمان اڈ پھلور ٹور
 طمہس چھ گوٹ سور تہ گس تنبلراو جگر میون
 ییلہ دتھ گیم سنس تہ شاہد رُود پوتل ہیو
 زن آڈ بلچ کنز تہ گس کوملاو جگر میون



غزل

ماسٹر نذیر منتظر

دوون تنبن چھنہ ستارِ رن دادرِ بلن کیناہ
 ٹھس ٹھس سترِ چھم وانج ژلن دادرِ بلن کیناہ
 دوہہ اکہ ونیوم یارس پنس ز کیناز چھکھ ووشلان
 دوپن پیٹہ چھ ساری ژلن دادرِ بلن کیناہ
 سانہ گریک واز گنھان پرژھنہ پتر بن راء
 سانہ پنچہ پٹھ نال چھلن دادرِ بلن کیناہ
 تلوارِ شرچہ ژوئم جگر کورنم باژن کھش
 طوطہ آستھ چھس بہ کلن دادرِ بلن کیناہ
 اوس تِس کشلول آتھس کبھہ تہ انگن ژاو
 نظرِ سترِ اوس یار ٹھلن دادرِ بلن کیناہ
 موچھ اندر خاک زوئم کوچھ اندر نار
 مگر وعدس توتہ دلن دادرِ بلن کیناہ
 تیٹھے انان زو پٹھ منتظر چھ پنن حال
 تیٹھے یارس زلف الن دادرِ بلن کیناہ



غزل

منظور نوہ موے

دلبر مینہ دل چھ راوان میانے اماں کھنا
 اکہ لٹہ یتیم پیاری ژلہ ہم مینہ خار کھنا
 وتہ چانہ چھم نہ معلوم یتیم ہا ژے نش بہ لاران
 چھس خون دل بہ ہاران کتہ چھے قرار کھنا
 چھم تیر چانہ لولک بدنس کران مے پارے
 یژکال گوم وچھنس مینہ چون انہار کھنا
 کمر کن بری ژے وتم تروتھ ژے مین پیاری
 از دتہ مے لولہ درشن، ژلہ ہم ازار کھنا
 کوٹ ژالہ نار عشقن دزالیں تپتہ بہ کرانے
 کھنا ژ شوقہ میانے بلہ ہا بیمار کھنا
 کوڑھتم ینہ زولے سور کوپارہ بیوٹھم دور
 نوہ موے وچھے ژے منظور بوامرو دبار کھنا



وژن

سید غلام نبی دلشاد

کرے بڑھ پیوم عشقہ دود و بہہ پیوم برے کونے سہ دلبر خبرے آم
 ونہ کس پردس تم تہ چھم نظرے کونے سہ دلبر خبرے آم
 زینتی موئڈ لوگنم از چھانہ تبرے گوڈنی کورنس زوڈ ہند سنز
 گوڈنی لا جنس تہ پوت کھکھرے کونے سہ دلبر خبرے آم
 دانہ دانہ وا جنس از منز قبرے گرٹہ کنہ پھری پھری دیتنم گہہ
 ژھلہ کے پھرستہ اوٹ دزاودورے کونے سہ دلبر خبرے آم
 باغوان باغس سگوان برے داجہ ستہ کورنس سوڑے کچھ
 تاو ستہ کتیاہ پوشہ کھر ززرے کونے سہ دلبر خبرے آم
 گلہ پٹھ بولان آواز مدرے اولا بناون شمشہ سان
 زہ مے کورنم امہ کھر ددرے کونے سہ دلبر خبرے آم
 دلشاد گندتن امہ لولہ ودرے زانتن تہ مانتن لوک پن
 دلہ مے دیتنم دردچہ صدرے کونے سہ دلبر خبرے آم

وژن

غنہ شاہ

دل میون کو رتھ دیوانہ	مستانہ	مدانو
جگر مے گوو بریانہ	مستانہ	مدانو
در پرد تھووتھ روے	میتہ چاد عشقن موے	
اکہ لٹہ ژ پتہ نہ وانہ	مستانہ	مدانو
روے وچھ ہا جانانس	ژلہ ہے مے شر پانس	
دشہ گنجہ مے ہر استانہ	مستانہ	مدانو
دورے نظر تراوتھ	وانج مے کتر اوتھ	
نالو تراوم زولانہ	مستانہ	مدانو
الفے قدس گوم دال	کس ہیکہ بہ ہاوتھ حال	
یہ تہ گوو مے چانے بہانہ	مستانہ	مدانو
سوریو مے اچھنے گاش	دوڑی چھس بہ زندے لاش	
یا یکہ تہ وچھکھ پانہ	مستانہ	مدانو
غنہ شاہ ژے کر ہی گراو	زائہہ مائہہ ژے ہیو تھم ناو	
پیومت سہ چھے اسمانہ	مستانہ	مدانو

وژن

فیاض احمد و گے فیاض

کیشہ نے اوس تہ کیشہ کتہ آو
 ناو در آب تے آب در ناو
 نفس امارس مو برچاو
 ناو در آب تے آب در ناو
 نفس امارے نختے بروٹھ
 پھیران گر گر دأرتھ چوٹھ
 گر پتہ پانو بیچھن تراو
 ناو در آب تے آب در ناو
 زائن مائن یس نہ اوس
 سے نفس شیطان کتہ بنہ دوس
 لاکم دس تے چھانٹہ نژناو
 ناو در آب تے آب در ناو
 دلہ کے دروازے اندر اثر
 صاحب وچھن بڑیو پڑھ
 سا لکو اتھر ستر بر چکمہ چاو
 ناو در آب تے آب در ناو

شہلِ تا پھ — اکھ تنقیدی جائزہ

ڈاکٹر شفقت الطاف

شاعری چھنہ محض تفریک تہ من رثونا ونک وسیلے یوت بلکہ چھنہ یہ وند
 کمن اندرٹین مژنیرو وڈی سو برستہ لے ستھ زند گہ ہند بن تلخ تجربن، بیہ
 سوکھ خابن، اشانت امارن، اسرارک مشاہدن، جمالیاتی احسان تہ فطری
 نظارن ہند ساز تہ سوز و زان چھ۔ عالمی شاعری ہند آفاقی اوصول پانہ
 ناوتھ روڈی تھہ کئی کاشتری شاعر تہ گونما تھہ مقامی لوکن ہنر زند گہ ہند
 دوکھ، کرب تہ احساس ہو غصہ پنہ تخلیک موضوع بناوتھ تمن اظہارک تہ
 باؤڑ ہند جامہ لاگان۔ یہ پیہ مانن جمالیاتی حسن، اجمالی کیفیت، مدامت
 لولہ لے تہ نبرل تجربہ چھ سانبہ شاعری ہنر نمایندہ صیت۔ عالمی
 سوتھر ج سماجی، فکری تہ سیاسی تبدیلیں پوت ژھلیہ تہ روڈی سانی اکثر شاعر
 رو آتی انکارن، اظہارن تہ قدرنے للہ کھول کران۔ بیم شاعر گئے نہ

جدلیاتی شاعری ہندس گنتہ تہ نوس آلوس پتھ فلواہ بلکہ رُدِ بزمِ قدیم معنین ،
 قدرن تہ اظہار نے للہ کھول کران۔ بیمنے روباہ تھ پسند شاعرن مثر چھ
 سون غلام حسن مضراب صاب تہ اکھ

بار احسان چھے سبٹھاہ مضرابہ چونے عاشقن
 لولہ ہوت دل بیہ پُن گر بار تھوتھ آیتن
 چھے سحر گفتار تے کردار چون ڈپشتھ ون
 لولہ ول یٹھ چھاؤنس تام پاد کورمت شپینن

مضراب صابن لوب شپین کس ا کس زمیندار گرس مثر ۲۵ جُلے
 ۱۹۳۳ء مثر زائسن۔ ترتیمہ جمائز مثرے مالک یتیم گڑھتھ تہ پر نو و ماجہ ہندک
 شوقن اٹھمہ جمائز تام۔ اٹھ چھونبر تہ مائی بدحالی کنی ہیوک نہ مضراب
 صاب پُن تعلیمی سلسلہ بروئہہ پکے ناوتھ۔ بڈن بڈن مہمن ہند مقابلہ گری
 کرک تہ زمانچہ نامناسب زنجہ کھینے کھینے تہ رُد مضراب لول زندگیاہ ہنر لو ہنر
 پر پتھ بناوتھ بروئہہ پکان۔

عشقن مثر ریبہ یس کیاہ کھوژ ننگ ونامس
 تہ کرایہ تبگلن پٹھ صبرے بلال وچھتن
 لولہ کمن منزلن پکن تنہا تہ پادن گندری سنڈ
 رہبرن او باؤر نم تہ سپر وارا ادر ادر

مضراب صاب رُدک یٹھ مادی تہ اخلاق روس دُنیادی سما جس مثر
 بالہ پانہ پٹھ لوچ تہ پانیارچ تسبیح پھران۔ ابتدا پٹھ موسیقی ہند شوقین آسنہ

کئی اوس سہ اکثر گہون محفلن ہند ستر گرتھ ادبس تہ شعر محفلن ستر دلچسپی تھا وں
والہن لوکن گر سالہ اُنھتھ حوصلہ افزائی کران۔ یئے یوت نہ بلکہ اوس
مضرب صاب مقامی شاعران تہ گونماتن ہنز شعر سومبرن چھاپنہ موکھ
زاتنگ مال خرچ کران۔ مضرب صاب رڈر شینگ کلچرل فورم ووجودس
منزینہ پٹھے امکی سرگرم تہ محرک رکن۔ بقول مرحوم ایوب بیتاب۔
”پرہتھ میدنگ تہ پرہتھ محفلہ منز رڈر شرکت کران تہ مضرب
صاب بنیو وکلچرل فورمک اکھاہم انگ تہ انچ پچان۔“

اُمس صاحب بزرگ تہ معتبر شاعر ہنز دویم ڈاکر چھ ”شہل تاپھ“ تہ از
آواتھ دأ نشورن ہنز یتھ پُر وقار محفلہ منز موہر تلنہ۔ اتھ شعر سومبرنہ منز چھ
نعت شریف، ۶۵ غزلہ، ۱۰ نظمہ، اکھ وژن تہ زٹکھ شامل۔ امہ علاوچھ اتھ
منز ماجہ ہند ناو انتساب، ہنز کتھ، مرحوم بیتاب صابن پیش لفظ رشید سرشار
صابن، لولہ للہ وان لولہ دگ، ناوک مختصر مضمون تہ مصنف سندنہ رفیقہ
حیات ہند ناو شکرانہ، تہ درج۔ کتابہ چھ کل ۱۳۱ صفحات۔ اتھ کتابہ چھ
چھاپنہ باپتھ جموں و کشمیر اکیڈمی آف آرٹ کلچر اینڈ لنگویجز سرینگر طرفہ کم
کاسہ مالی امداد تہ میؤمت۔ یہ کتاب سپدیہ ۲۰۰۹ء منز چھاپ۔ انچ
چھپاے، کتابت، خوشنویسی، گیٹ اپ (Getup)، کاغذ تہ سرورق چھ
یہ ڈپل زول نوان ہتھ۔ کتابہ ہند پاراوتل چھ باسان زانچہ چھاپنہ منز چھنہ
کاٹھہ کنجوسی کرنہ آمز۔ کتابہ ہند سرورق چھ محترم شہزادہ رفیق صابن تیار
کو رمت تہ انچ کمپیوٹر کمپوزنگ چھ ٹیکنکل پانپر روزن واکر محمد یوسف میر

صائبن گر ہنر۔ یہ کتاب آپ جے کے آفسیٹ پر لیس دلہ چھپانہ۔ کتاب ہنر
 نائشر چھ بزمِ ثقافت کشمیر ٹیمیک ہیڈ آفس شپین سریہ منز چھ۔ یہ کتاب ہیکہ
 سومبرن کارس علاوہ مراز کلچرل سنگم شپین، بزمِ ثقافت کشمیر شپین تہ کتاب گر
 مولانا آزاد روڈ سرینگر دستیا ب سپد تھ۔ کتاب ہنر مول چھ فقط زہتہ روپیہ۔
 ”شہل تاپہ“ شعر سومبرن ہنر مولہ اُنکون کرنہ و زچھ یمہ کتہ ہنر
 احسان گنان ز صنف اعتبار چھ اتہ اندر ژوز تعداد غزل۔ بقول مرحوم
 بیتاب ”اوہنر محبوب صنف شاعری رُو غزل“۔ غزلک حاوی موضوع چھ پر تھ
 زبانیہ تہ زملہ لول رُو دمت۔ اوے بڑو ائمہ صنف مشرقی شعر ادبس منز تھز رُک تہ
 ہجرک مقام۔ غزلہ صنف ہنر تعریف کران چھ کے سی کنڈ البکھان۔

"Although the Gazal deals with the whole
 spectrum of human experience, its central
 concern is love"

مضرب صائبن غزلن منز چھ جایہ جایہ لو لکو آلو، آرن ہنر شروڈی
 شروڈی، اہر بلک سوز، نیرن ہنر سرتاز پوشہ پھلے، ونہ کستور بولن، مہم خابن
 ہنر گیور، چھٹہ پوٹر سُنر رنگہ ساوہر، سوزلہ ہنر دق تلکن واجنڈ نا پید آری
 ڈیشہ نہ پو ان مضربن غزلن منز چھ لک لے ہنر عنصر غالب۔ یم غزلہ چھ
 معنیہ صورتہ فکر کنڈ یم تہ روایتی عکس ہاوان۔ مضرب رُو درو اتہ پسند شاعری
 ہنر تخلیقی عملہ منز مصروف آسنہ باوجود غزلس منز نوک تہ سادہ وار استعار کلمہ
 لا گتہ اکھو شعر زبان دریاف کران یوسہ گنہ تہ تقلیدی غلبہ نشہ چھ چھ۔

کدن گوم وٽہ پکنگ ٹھس تہ برأتتر گیم
 لجم در اچھ میے اوکن بس تہ برأتتر گیم
 سہ ما اوس میون سے سُر زور تیکو از تام دتم بڑیم
 وچھکھ رس دآن ترأت وٹھ لوگ تمس پُرمس تہ برأتتر گیم

یا

مے روڈم داغ حسرت یتھ جینس
 مے پھڑ مٽر انگ پنڑ سوبراونی پیے

یا

دربار عشقے منز مضراب روومت از
 سپرس تہ واش کڈنا کوتاہ بہ یاد پاوس

یا

زوچھ مے وچھس منز ووند سُدُرک راز اما پوز
 پیہ مارکن منز اُتھر زھینڈ کاغذ تہ شار میانی
 یہ گوڈے ونہ آوز مضرابنہ شاعری ہند ناگہ رادچھ لول۔ سے لول یس
 اکی آنہ انسانی زندگیہ ہنز لوہڑ پرتتھ تہ چھے تہ اسرارک حبسہ آگہی ہنز
 لسہ وڈی ستھ تہ چھے۔ مضراب چھ لولہ سوخن تو مہی تہ گوند کر تھ پنہن دلش
 نظم پارن تہ غزلن ووجود بخشان۔

بیٹلہ لولہ سوخن گوڈی مے کُری اد گئے مے غزل پور
 بیٹلہ لولہ لولس گوڈ مے بُری اد گئے مے غزل پور

مضربانہ تخلیقی تہ ادبی مقامک میہنہ چھ تہند کلام۔ سہ چھ محمود
گامی۔ رسل میر تہ مہور نس خارجی پھولونہارس دا خلی رؤ مانیر ہند پے وند
کرتھ تہند پے طرح پانہ ناوتھ تہند پے زمپنس منز کینہہ غزل پار تہ تخلیق
کر مہ۔ مثالے محمود گامی ہنزا کہ غزلہ ہند شعر۔

اے کمان ابرو تیر گمز تو تھم
باشا کران عاشقا بچار پودھ تی پزیا
مضرباں چھ تھے ہیو شعر تھ پاٹھ خلق کران۔

تیر لائتھ از کمان مے ژھالیہ رؤ زکھ تارکن
جلو ہاوتھ تاز زخم نون تراون بی پزیا
مضرباں نن تخلیق ہند بن دا خلی آوصولن ہنز قدر سخی کرنہ پتہ چھ
ننان ز خدا شناسی، خود شناسی، لولہ باوڑ، اسرار رک تجربہ تہ حسن شناسی ہون
پھیر ہا و موضوعن لر لور چھ سماء جی وادراتن تہ کڈر بن عصری حالات ہنز تہ
اسہ ثینہ ون میلان۔ مضرباں چھنہ انسانی قدرن ہنز چھلہ چھانگر تہ
انسانیکر قلعہ مسمار گڑھنکر واقعہ برداش ہیکان کرتھ۔ تھو دلس دگ تہ وتار
تکن واکر منحوس تہ ہاوتھ ناک واقعہ چھنہ نس ژھوپہ کرناوتھ ہبکان۔

ہوتہ مورکھ گستاہ گولیو ستر

پیٹہ بمہ وے پھڑا وک شیشہ محل

کم ٹاٹھ لڈتھ تھو قبرن منز

کس ماتم پیٹہ شہزادن ہند

مضرب سَنز شاعری پرتھ چھ باسان ز سہ چھنہ اُکس مبلغ یا واعظ
 سَنز زبان ورتاوان بلکہ چھ سہ زبان سازی تہ تعصبک رُدیہ ترک کرتھ
 موزون تہ مُناسِب شعر زبان کاملہ لاگان۔ مضربس چھ شاعری منز پُئن اکھ
 منفرد طرزِ ادائیس لفظن ہند و بکھتہ تہ میکاکی زیورک پابند چھنہ۔

لالس چھ پیالہ بُر بُر سالک چھ چاواباکی
 حُسنس چھ بکری خماراہ لولک چھ ناو باکی
 سونتک شباب سوتھ و ہراتھ واو بُرگ
 دُوریمتس پنس چھم ہر دک یہ واو باکی

زیر مطالعہ شعر سو مبرنہ ہند سرسری پر نے پتہ چھ یتیمہ کتھ ہند انداز
 شدہ سمان سپدان ز مضربس چھ پتہ کالہ پٹھ از کالہ تام کاشر لولہ شاعری
 ہنزر پو ایشن ہند یہ سروُن، گوُن تہ وسیع مطالعہ تہ تہندک نبرل استعارہ تہ
 اظہار چھ پرن والین تَس اکھ پُرکشش شاعرانہ شخصیت مانس پٹھ مجبور
 کران۔ تہ تہ پٹھ پاٹھ چھ یہ سو مبرن کاشرس شعر ادبس و سوار، مالدار تہ
 بختاور بناونچہ عملہ منز اکھ نو و اضافہ



مجید شپینز — اکھ سام

ڈاکٹر گلزار احمد راتھر

للہ دیدتہ شیخ العالم ہند زمانہ پیٹھ از تام چھے کاشتر شاعری مختلف دورو
منز گز ریٹھ۔ یمن منز صوفی شاعری ہند دور زیادہ باگہ یو رت تہ طویل رو د۔
واریاہ لو کڑ بڈ ک شاعر چھ ونہ تہ صوفی شاعری ہنز روایت زند تھاوتھ۔ یہ
روایت رچھن تہ رزھراوان والبن منز اوس مجید شپینز تہ اکھ اہم مقام تھاوان
یُس پانڈ ہاٹھ (۶۵) وری وائس پر اوتھ جون ۱۹۹۲ء منز یمہ عالمہ گوؤ۔ ان
للہ و ان الیہ راجعون۔


شپین چھ کشر ہند اکھ نو بصورت علاقہ یُس تھر و تھر وژوٹھر وڈروستہ
مالا مال چھ۔ اتھ علاقہ منز چھ کاشتر زبانی ہند کبھی یاہ قد اواہ، زبان ساز،
محقق، مبلغ، ادیب، عالم، شاعر، نقاد، نثر نگار، تہ ترجمہ کار پاد گمتر۔ مثالے
مولوی انور شو بیانی، محمد امین کامل، محمد یوسف ٹینگ، عبدالستار رنجور، ناجی
منور، ارجن دیو مجبور، پروفیسر شفیع شوق تہ شہزادہ رفیق بیتر۔

مجید شپینز سند اصلی ناواوس عبد المجید شیخ۔ سہ چھ ۱۹۲۸ء منز پینس آبائی

قصیدہ (شپینس) منتر زامت تہ تہ پر تھیو مت تہ - اُتی چھ مدفون تہ - شہزادہ
رفیق سید مطابق چھے تسنر کر اُنی ہا نکل تہ تھ کڑی:

خالہ شیخ

محمد رمضان شیخ



تہ پٹھ پٹھ مجید شیخ رمضان بٹس دویم اولاد اوسمت - مجید شپینز اوس
اُکس مفلس گرس ستر تعلق تھوان - بیلہ تمس پر پٹھ لیکھ پٹھ وائس وائز،
سہ سوز مالک پٹھ مالی حالت بہتر بناونہ خاطر زائے حال بدلہ سہ کارس تہ منڈر
منڈر اوس گرہ تہ چلاوان - مگر یہ اوس سیز پر پڑک وق - لوکھ اُسر محفل
پرور، گامہ گوم اُسر دور سہ تہ گبون محفلہ لگان - لوکھ اُسر شاعران، گبون
والین تہ گونمان ہند از حد قدردان - مجید صائب اوس سہ کلام کرنس ستر
ستر گبون تہ - تس اُسر پٹھ دہر باج - صوفی شاعران ہند کلام گبون گبون
تہ گنگر اوان گنگر اوان لُج تس پٹھ ناگہ جوہ و زنی تہ سہ لوگ بزرگن تہ
شاعران ہنزن محفلن منتر پٹھ شعر بوز ناونہ تہ پٹھ پٹھ بیو سہ علاقہ ناماوار
گونماتھ - سہ اوس اکثر فقیر قادر صائبس میمند رگبونہ گڑھان تہ باضے باقے
جاین تہ - وول گوو شاعر تہ گبون وول آسنہ باوجود چھنہ اُمر سہند ناونہ
عبدالاحد آزادن پٹھ تو اُرنی کتابہ "کشمیری زبان اور شاعری" منتر ہیو تممت

تہ نہ چھ باقی تذکر نگار و توند ذکر کو رمت -

مجید صائغ شاعری پرتھ چھ یہ محسوس سپدان زنگی چھ بے پھر وک
پاٹھر پٹن ووند بوومت تم سندا شاعرانہ لہجہ چھ بلکل پٹن - تم چھ ساد لفظن
منز سری نوکتہ باور متڑ - گہے چھن زچھ نحر ورتا ورتہ گہے ژھوچہ :

بہ چھس مایہ چانے کران ستر تہ سامان
برر برر تھون لولہ مسکی بہ پیمان



سہ لاگان غار زان چھم تہ بوئے
دس منز دعا چھہ ژینے در دلہ میوئے

وچھان	گرٹھ	وحدانیت
برتھ	پیالن	چھہ معرفت
تہ	عاشقن	دامہ چاولن
سہ	چھہ شب	روز بوزان



غافلہ	غفلتھ	تراو
گڑھی	معلوم	تشد ناو
بستھ	چھہ	شبن طرفن
سہ	شب	روز بوزن

مجید صابن چھہ موٹگ آفاقی پزر پھر پھر مختلف معنین منز ورتاوان

ورتاوان دُنیاچہ نا پایداری پٹھ تکیہ نہ کرنک بانڈ باند کو رمت۔ سہ چھ
 انسانس پتنن باتن منز تھے پاٹھی نصیحت کران پٹھ پاٹھی شیخ العالم پتنن
 شتر وکسن منز کران چھ زائے انسانہ زکریہ دُنیاہس منز تورکیٹ پتن پان
 تیار یورگن ژئے گزھن چھ:

کتھ مجیدنی عاقلن چھ نصیحت
 تیگر پیٹہ سور تس تہ ولن خلعتھ
 زانی والسن راز باون تہ لولو
 بالو میڑ تل کاکو ساون تہ لولو



سمسار چھ بزم تہ بازو گاری
 کائسہ دم نسا روزن پور
 پیالہ موٹن چتھ گئی ساری
 دم ہاتھ کم بوہودور



دھیان دیو پانہ میانہ دُنیا چھ فانی
 نے چھس زھن تے نے ٹھہراو
 مجید صائبہ شاعری منز چھ توحیدک عنصر غالب۔ خداگن زائن۔ یس
 سارہے کایناتس پٹھ محیط تہ پرہتھ رنکس منز جلو گرچھ۔ تس نہ کائہہ شریک
 ٹھہراون۔ سہ چھ تہ گن، اوس تہ گن تہ روز تہ گن

اول تہ اوس سے آخر تہ روزے

ہیر بون تہندے ناو

نورانیہ تکر سُنْد شبن طرفن

ہورن تمیک پا راو



کُنے معبود زائن گزھ سے

یس نش سورے دزاو

گنرس تہندس یس گوہ محرم

تس کیا سود یئہ دزاو

مجید صاب اوس پر تھ کاٹھہ ساز وائس منز ماہر۔ تہند کلام چھ سلپس تہ
رواں مگر اندر ساز تہ ستر بر بکے۔ سید بن تہ عام لفظن ہند تکرار چھ لکے
طرزس پٹھ لیکھن آمتن باتن منز پاؤ دکر نہ آمت۔ سازت چھ انانس پانس
ستر ڈ تھ نوان۔ مؤلہ کتھ چھ ز مجید صابن چھ۔ تھ کلام صوفیانہ مجلسن منز
گوہ خا طرے تخلیق کو رمت تہند کلہم کلامکو موضوع چھ روایتی، حسن،
عشق، دؤر بر، پیر، مُرشد، خدایہ سُنْد گنبر، عین الیقین، علم الیقین، موت،
قیامت، اما پوز باقیہ کویاہ صوفی شاعرن مقابلہ چھ زبان تہ بیانک انداز
یمن موضوعن ہند اظہار نو بر تینہ ناوان :-

سالہ کھنا مار متہ پیالہ پریو

دولو دلبرو لولہ منز لکوتھ بو

مالیہ جانے پوشن مالہ کر یو
 دولو دلبرو لولہ منز لکوتھ بو



کزیلہ توتھس کرکھم ریز بدنس
 نیز دتی تھم وار نا چھم مے وونس
 سوز چونے چھم وزان راتھ کیو دوه
 دولو دلبرو لولہ منز لکوتھ بو



طما چھم بہ چائنس شمع رویہ ہے پتھ
 دے گتھ لاگے پروانہ چون
 پروانہ لاگتھ نار پان زالے
 چانہ خیالے یکھنا تھ سون



دور دور رۄدہم ہا تئدبانے
 دوربر جانے سپدم سور
 مور نار للہ ون پیوم ڈبکے لانے
 دوربر جانے سپدم سور

مجید شینو چھ بسیار گو و شاعر اوسمت تم سندا اکثر کلامہ چھ وژن فارمہ
 منز مؤجود۔ ووں گو و گنہ گنہ چھن غزل تہ پد تہ لیکھ متری۔ اگر چہ تم سندر کٹھ
 تام غزلے چھ بدس آمتی۔ مگر یمن منز چھ سراپان نگاری ہندک رتی نمونہ
 در پٹھ گنہ گنہ ہان مثالے:

چھم بُمہ کمان نستہ خنجر چون کتر اوان
 وٹھ لعل یمن دند خندہ دُر دانی
 بر سپنہ شوبان قُبہ نوز کھ چھے ژے کیا پُر ناز
 دُر زن کھو تُمّت از سمندر نتہ بد خشانے

مجید شپنڈ سَنز شاعری ہند کلہم رُوک یہ چھ رومانی تکر ہند بن نعتن تہ
 منقبتن منز چھ شوژر، سادگی تہ پاکیزگی قائم روزان۔ سہ چھ اکثر عشق،
 لول، سمسار، عاشق، معشوق، درشن، ظہور بیتہ ہوک لفظ پھر پھر ورتاوس
 منز انان۔ نعتو منز کیشہ مثالہ۔

آفتابہ	کھسہ	وُن	گوو	نورانی
گاش	اد	عالمس	آو	
انوار	محمد	چھے	للہ	وانی
تمہ	ستہ	پرزلان	آو	



عشقہ ستی نور محمد در جہاں گوو آشکار
 عشقہ ستی باغ حُسنس جالیہ جالیہ پھلو چمن

صوفی شاعران ہند کلام گوان گوان چھ مجید صائبن تمن ووستاد کا ملن
 ہند تیوت سز ون اثر قبول کو رمت ز تکر چھ تہندک شعر مصر پننن باتن اندر
 ووجہ مصر و رنگ استعمال کرے متری۔ مٹن تہ مثر:

پانے چھ تَس عیانہ مے ماٹہہ کیشہ تہ خبر چھم

ہر شایہ دتھ دکانہ
 مے مائہہ کیشہ تہ خبر چہم
 وئی دتم سلطانس
 بہتھ پانہ جہاتس
 کھستھ پانہ تھدے شانہ
 مے مائہہ کیشہ تہ خبر چہم
 چھ دراصل نعمہ صائبہ یمہ مشہو ربأتگ ووج مصر ورتا ونہ امت:

دل نیو تھ کوڑ تھ جان
 مے مائہہ کیشہ تہ خبر چہم
 ہر چند یہ چھ چون جان
 مے مائہہ کیشہ تہ خبر چہم
 مجید صائبہ شاعری ہند غالب موضوع چھ انسانس یہ باس دین زیہ دنیا
 چھ فندہ فریب۔ یتہ چھ پر ہتھ زندہ زوس موئن پیالہ چئون۔ ”کُلْ نَفْسُ
 ذائِقَةُ الْمَوْتِ“ اُخرس پٹھ چھ سہ دوہینہ ول یمہ دوہہ پر ہتھ اُکس
 پنہن عملن متعلق پر تھ گار کرنہ یہ۔ امیگ شدید احساس چھ مجید صائبس
 رونا و ان تسنزا کھ پر اثر نظم چھ۔ ”کرم توبہ منظور بڈ چھ چائی رحمتھ“ یوسہ پر ن
 وائلس تہ رونا و ان چھ۔ یتھ منزسہ دُنیا چ بے ثباتی بیان کر تھ توبہ کران
 چھ مثالے:

دُا لُ کِیا ہ ہ تہ تمہ دربار
 چند چھوٹن نیر کِیا ہ در بازار
 مند چھان چھس چھس نہ نیکو کار
 وائی تہ نیر سون سردار
 شپینہ مجیدس دتہ تہ تار
 بخشن ول چھکھ اے غفار

وصالته بنیم تہ چہم دِس سَتھ
 کرم توبہ منظور بڈ چہ چانی رحمہ
 پران آسن اللہ اکبر بروئہ کنہ آسن آنسور
 اکھ لچہ ژوؤہ ساس پیغمبر تس گن تراوتھ آسن سر
 جماہ آسن ساری جن و بشر میزان تولنس آسہ زر زر
 بے زان کیاہ کریس نہ آسہ سرختھ کرم توبہ منظور بڈ چہ چانی رحمہ



حساب پانے دین بیون بیون چھنا یہ تہ عمل درکار
 لی بیٹہ پوشیدہ تی تہ گل جما گلو گڑھن طوطہ گفتار
 بہر حال یہ چہ مبارک کتھ ز تھار دتھ چہ مجید صائب کلام شہزادہ رفیق
 تہ رشید سرشارن بزم ثقافت طرفہ ”مجید شید“ ناؤر کتاب ترتیب دتھ مژہ تھ
 مژہ پانژ (۵) غزل، (۲) پد تہ ستوؤہ (۲۷) باتھ درج چہ۔ مجید صائب
 شاعرانہ صلاحیت و چھتھ چہ یہ باس لگان ز تہند اکثر کلام آسہ پاتہ راؤس
 تل تہ ضایہ گوشت تکیا ز سہ چہ پانہ ان پراو سمت۔ او کزی چھنہ کمر پنز شعر
 پانہ لیکھتھ لیکھتھ تھ او کمر بلکہ چہ بنین اتھ لیکھنا وان او سمت۔ باضے آسہکھ
 نہ شعر ذہنس مژہ نہ و ز کاشہ پورمت لیو کھ انسان سمکھان یمہ کزی یہ احتمال
 چھ ز، تہند واریاہ کلام آسہ ضایہ گوشت۔


لکھ لیہ ہندس اوس مقبول صوفی شاعر چھ پٹن اکھ منفرد مقام۔ دول
 گو و تا جب چھ ز از بروئہ فقط ارداہ (۱۸) وری یعنی ۱۹۹۶ء کیئت یمہ
 عالمہ نقل کرن دول یہ گونما تھ اوس پرستام راؤس تل۔



[Faint, illegible handwritten text, possibly bleed-through from the reverse side of the page.]

MARAAZ

Vol: 07 Year:2011-12



Nigran: Shahzada Rafiq

Editor: Rashid Sarshar


MARAAZ CULTURAL SANGAM

H.O: SHOPIAN

9906758955 - 9858817642

MARAAZ

Vol: 07 Year:2011-12



Nigran: Shahzada Rafiq

Editor: Rashid Sarshar

MARAAZ CULTURAL SANGAM

H.O: SHOPIAN

9906758955 - 9858817642